



सानसेयारि 'बड'सा' खौरांलाइयाव  
स्मानज्यादि जिज्जो लोब्बा थानाय रायथाय, खन्थाय,  
सल', सल'बाथा आरु दावबायादि थावनि, पार्क  
बाइदिने स्यायाव लिन्नाय लिन्नाय दिशाय ठरु!  
सानसेयारि 'बड'सा' खौरांलाइया खेबखानै  
फोसावगोव।  
बड'स्यायाव लिन्नायथाव हुबा खालाम,  
'बड'सा' खौर नोथां, जो बयबो आंगो खालाम।  
सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिदिसि-783370  
Website: www.bodosanewspaper.com

BODOSA ★ A Bodo News Daily ★ Monday ★ 1 July, 2024 Kokrajhar, BTC, Assam ★ Vol.- 34, Issue No. 96 R.N.I. Regd. No. 40994/91, Assam Govt. Regd. No. IPRD. 40/2006/3, ★ Rs. 8/-

चिदली काशिकत्रा  
हायार सेकेन्डारि  
फरायसालिनि बाराग'  
गोरायुपानीराम  
दैमारिआ रुंसारि जाबाय

## दुधनैनि जिनाहारि आरो बुथारग्रा दुथानि न'आव गवालपारा खुंथायनि बुलडजार

एबसु आरो गुबुन गुबुन आफादफोरनि खुद्रिसारनायाव खुंथायनि गोख्रों फिनजाथाय



काशिकत्रा, 30 जुन: बै  
समनि बोखावजायै चिदली-  
चिरां आन्सलिक एबसुनि बाराग'  
आफादगिरि, काशिकत्रा हायार  
सेकेन्डारि फरायसालिनि बाराग'  
प्रिन्सिपाल, बर' थुनलाइ  
आफादनि जिज्जो सोद्रोमा आरो  
(□ 5 बिलाइआव)

गवालपारा, 30 जुन:  
जिनाहारि खालामग्रानि हेंथायै  
राइज्यो सरकारआ गोख्रों  
हाबाफारि नाजावदोंसै।  
राइज्योआव लान्थियै  
सोमजिबाय थानाय जिनाहारि  
जाथायखों लानानै सरकार आरो  
खुंथाया सांग्रा जानो हमदोंसै।  
रबिबाराव दुधनैआव जिनाहारि  
खालामग्रानि न'खों पुलिस  
खुंथाया होखास्त्रानायखों नुनो  
मोन्दों। दायनिगिरि दुथों  
(□ 5 बिलाइआव)



आसाम जनजाति हारिमु  
महासभानि मावफुं मेल खुंफुंदों

जागिरड, 30 जुन: आसाम जनजाति हारिमुवारी महासभानि थामथि  
मिरु मावफुं मेल, सावयय मेलजों लोगोसे जोंगा-मागा हारिमुवारी  
हाबाफारिखों रबिबाराव जागिरडनि कलामन्दिर सावयय नब्बाडव  
सानसेनि हाबाफारिजों खुंफुनायखों नुनो मोनो। महासभानि नेहाथारि  
सुरुज कुमार पातिरियाआ दैदेन्नाय बे मेलखों तिवारवयाव  
ओन्सोलनि दैखोगिरिफोर रोजावनाय (□ 5 बिलाइआव)

गुवाहाटी मुलुग सोलौंसालियाव मार्कशिट  
गेनाखाथिजों लोब्बा थानाय सा 8  
दायनिगिरिफोरखौ बरपेटा पुलिसआ हमबाय

रं लानायजों नम्बर बांहेयो मुलुग सोलौंसालि बिफानआ !  
सालबारि, 30 जुन: आसामनि गोख्रों सोलौंथाइ फसंथान गुवाहाटी  
मुलुग सोलौंसालियाव सोमजिनाय मार्कशिट गेनाखाथि जाथाइ  
सोमजिदों। बेनि सोमोन्दै वृहस्पतिवारखालि गिबि मन्थि उ हिमन्त  
बिश्व शर्माआ बरपेटयाव गोनांथार बिबुंथि होनायनि उनावनो  
सिग्रोमनाय हाबाफारिया जागायजेन्दोंमोन। गिबि मन्थिनि थोंजों  
आखाय होनाय आरो बिथोन होनायाव राइज्योनि गुबुन गुबुन  
ओन्सोलजों लोगोसे बरपेटा पुलिसआ (□ 5 बिलाइआव)

कक्राझाराव सिखावआ लानानै खारनाय 34 लाख  
रांनि 20 लाख रांजों लोगोसे साब्रै दुथांखौ हमबाय

कक्राझार, 30 जुलाइ:  
कक्राझारनि राइज्योफोरा  
सिखावनि थाखायनो थानो  
हायैबायदि थासारिजों मोगा-  
मोगि जानांदों। बावैसो सान  
सिगां सिखावआ साननि  
समावनो 34 लाख रां  
कक्राझारनि गाहाइ लामानिप्रयानो  
लानानै खारदोंमोन। बेनिनो 20  
लाख रांखौ पुलिसआ बोखानो  
हाबाय होना मिबथिहोदों।  
जाथायजों लोगोसे लोब्बा  
थानाय सा 4 सिखावफोरखोंबो



कक्राझार पुलिसआ हमनो हाबाय  
होन्ना मिबथिहोदों। बे  
जाथायजों भेन्डरनि

मावफारियाआनो लोब्बा दड  
होन्ना पुलिसआ फोरमायदों।  
(□ 5 बिलाइआव)

तामुलपुराव  
सानै गथ'सा  
मावफारि  
बोखानों

तामुलपुर, 30 जुन: तामुलपुर  
जिल्लानि बाडालिपारा आरो  
अमर चकआव मैया  
शनिवारखालि सानै गथ'सा  
लेभारफोरखौ बोखानो मोन्नाय  
जादों। आसाम चेन्टर फर स्लेल  
डेभलपमेन्ट (एसआरडि),  
जिल्ला गथ'सा रेखाथि हान्जा,  
गथ'सा अन्साइ आफाद आरो  
लेभार इन्स्पेक्टरनि जुथाइ  
(□ 5 बिलाइआव)

बासुगावनि 'मन कि बात' हाबाफारियाव मिरु  
राइज्यो मन्थि साबित्रि ठाकुर आरो भवेश कलिता

बासुगाव, 30 जुन: हादतआव  
3 थि खेबनि थाखाय गाहाइ  
मन्थि महैर बिबान नाजावनायनि  
उनाव नरेन्द्र मदिआ रेडिअनि  
गेजेरजों दिने गिबिसनि 'मन  
कि बात' हाबाफारियाव बाहागो  
लायो। हादतनि रेडिअनि  
गेजेरजों फोसावजानो गोर्ना 111  
थि 'मन कि बात' हाबाफारिखों  
दिने आसामनि चिरां जिल्लानि  
बासुगाव नोगोर आफादनि  
सावयय नब्बाडव फोसावनाय  
हाबाफारियाव भारत सरकारनि



आइजो आरो खुदिया अन्साय  
बिफाननि राइज्योयारि मन्थि  
साबित्रि ठाकुर, आसाम  
राइज्योआरि बिजेपिनि  
आफादगिरि भवेश कलिता,  
बिजेपि दोलोनि मिरु मावखनि  
बिबानगिरि दिलिप कुमार गुप्ता,  
इडिपिपिएलनि नेहाथारि एबा  
बिटिसिनि एमसिएलए माधव  
कुमार सेत्रिजों लोगोसे गोबां  
(□ 5 बिलाइआव)

कारिजा बिजनीनि उदालगुरि  
सुकुंबारि लामाया गाज्रि थासारियाव



सालबारि, 30 जुन: बाक्सा  
जिल्लानि सालबारि महकुमा  
आरो बिटिआरनि मथनगुरि

गौथुमारि बियाबनि सिडव  
थानाय उदालगुरि सुकुंबारि  
फोनांजाब लामाया  
आथिखालाव हाखर-फुखि  
बादि थासारि सोमजिदों।  
मख'नो गोनांदि, सामफ्रोमबो  
गोबां मटर-गारिफोरा हान्था-  
मेला खालामनायजों लोगोसे  
माखासे फरायसालि-  
फरायसालिमानि फरायसाफोर  
सोलौंथाइ लानायनि थाखाय  
हान्था-मेला खालामप्रा लामाया  
(□ 5 बिलाइआव)

आसाम राइफल्सनि बान्जायनायाव  
आइजोफोरनि जोलुर गेलेनाय खुंफुंदों

राइज्यो बेगिरि गुलाब चान्द काटारियाआ बे गेलेनायाव बाहागो लादों

सनितपुर, 30 जुन: सा-सान्जा  
राइज्योनि गोग्गाथाव आसाम  
राइफल्सनि बान्जायनायाव  
रबिबारावनिफ्राय सनितपुर  
जिल्लानि लखानि आसाम  
राइफल्सनि गेलेग्रा फोथाराव  
गिबि सा-सान्जा राइज्योनि  
आइजो सेन्टिनल काप 2024  
जोलुर गेलेनाय बादायलायनाय  
(□ 5 बिलाइआव)



भारत-भुटान सिमनायाव  
जौजों बुंफबनाय गारिजों  
लोगोसे सासे सुबुंखौ हमदों

तामुलपुर, 30 जुन: 34 नं एसएसबिआ नायबिजिरसंनयनि गेजेरजों  
भारत-भुटान सिमनानि ससिपुरनिफ्राय जौजों बुंफबनाय गारिजों  
लोगोसे सासे सुबुंखौ हमनो हादों होन्ना मिबथिनो मोन्नाय जादों।  
मख'नो गोनांदि, एसएसबि आरो तामुलपुर जौ हमप्रा बिफानआ  
आइन् बेरेखा भुटाननि जौनि हेंथायै सानफ्रोमबो लान्थियै  
नायबिजिरसंबाय थानायनि गेजेरवोनो माखासे सिखाव  
फालांगिरिफोर साखाथिनि हादत (□ 5 बिलाइआव)

चिदली बियाबनि उफ्रा बिसायख थिखौ  
लानानै अगपआ सावरायदों

बासुगाव, 30 जुन: थानाय  
लकसभा बिसायख थियाव 31  
नं चिदली (जनजाति)  
बियाबनि एमएलए जयन्त  
बसुमारिआ 1 नं कक्राझार  
लकसभा बियाबनि जुथाय  
दोलोनि बिजाथि महैर  
देरहासारनायाव लांदां जानानै  
(□ 5 बिलाइआव)



सालबारि एलेडामारि, सुनबारि बेकि दैसानि  
गिखंथाव हा खुरखानाया सोलिगासिनो दड



भवानिपुर, 30 जुन: वर्ल्ड हेरिटेज साइट मानास माहारियारि पार्कनि  
साखाथि ओन्सोलजों बोहेलानाय बेकि दैसाया बाक्सा जिल्ला  
सालबारि महकुमा सिडव थानाय सुनबारि आरो एलेडामारि  
ओन्सोलाव गिखंथाव हा खुरखानाया (□ 5 बिलाइआव)

दुलाराय बर'फरायसा आफादा जौनि गुन गोनां फरायसा  
फबाय-बिनानावफोरखौ जेब्लाबो मान होयो: बड'सा ब्रह्म

बड'सा थान्दै/जनाइ, 30  
जुन: धेमाजि जिल्ला खौसेथि  
बर' सुबुं आफादनि  
बान्जायनायाव जनाइ दखरनि  
सिडव थानाय उपेन्द्रनाथ गोजौ  
फरायसालिनि नब्बांआव एइस  
एस आरो मेट्रिक आन्जादआव  
सेथि थाखोआव उधिसारनो  
हानाय फरायसाफोरखौ मान  
बाउनाय आरो बरायनाय  
हाबाफारि लादों। धेमाजि  
जिल्ला खौसेथि बर' सुबुं  
आफादनि आफादगिरि रातिराम



बसुमतारिनि आफादगिरि मासि  
सामलायनाय बे मेलखौ  
बेखेवनानै होयो उपेन्द्रनाथ गोजौ  
फरायसालिनि गाहाइ फोरोंगिरि  
भुमिधर बर' बिथाड। बिथांआ  
बुडेदि, गुन गोनां सोलौंथाइ  
लानायाव फरायसाफोरा गेदेमा  
(□ 5 बिलाइआव)

मन्थि पियुष हाज 'रिकाआ गलाघाटआव दै  
सम्पद बिफाननि बिथांखिखौ खौरां लाहैदों

मन्थि अजन्ता नेउगजों लोगोसे हाज 'रिकाआ  
पिडब्लिउडि बिफाननि लामाखौ बेखेवदों

गलाघाट, 30 जुन: आसाम  
सरकारनि सुबुं फोनांजाब,  
फोरमायथाइ आरो सुबुं फोनांजाब  
बायदि बिफाननि मन्थि पियुष  
हाज 'रिकाआ रबिबाराव गलाघाट  
बिधान सभा बियाबआव मन्थि  
अजन्ता नेउगजों लोगोसे दै  
सम्पद बिफाननि गोबां  
बिथांखिफोरखौ नो  
नायगिदिहैनायजों लोगोसे  
पिडब्लिउडि बिफाननि मोन्ने  
लामाखौ मोनसे हाबाफारिनि  
गेजेरजों बेखेवनानै होयो।  
मन्थिआ गिबियावनो जिल्लानि  
हांहसर ओन्सोलयाव धनसि  
दैमा सेराव आबुं जानाय



खुरखानायखौ होबथानायनि  
खामानि मावनायखौ नायगिदिं  
हैयो। दै सम्पद बिफाननि  
बाहागोयाव जिअ बेग  
सिडव बे जायगायाव धनसि  
(□ 5 बिलाइआव)

**NERIM GROUP OF INSTITUTIONS**  
Affiliated to Dibrugarh University, Gauhati University

**ADMISSION NOTICE**

NERIM announces Spot Admission for **Non-CUET**  
Candidate for the following courses:-

**B.COM** (Bachelor of Commerce)  
**BSW** (Bachelor of Social Work)  
**BA** (Psychology)

Date of Admission - 29th June to 1st July, 2024.

Admission for the above courses shall be held only through the  
registration in the **Samarth Portal** of Govt. of Assam.  
Interested candidates may come for Spot Admission. Necessary  
help for registration in **Samarth Portal** will be extended by our  
admission help desk. Admission will be held on the Spot.  
**CONTACT NO.:** 9954190758 / 9954051419 / 8638952788

Prof. Dr Sangeeta Tripathi, Director  
NERIM Group of Institutions, Jayanagar, Khanapara, Guwahati - 781022  
[www.nerimindia.org](http://www.nerimindia.org) [nerimindia@gmail.com](mailto:nerimindia@gmail.com)



सुजुगिरिनि खोलोम

माइसालि आरो गोदान माइ

आंग्ला अखा-बांखाया थि ज'खानि हायोमोन, गोसोबादियै जेराव खाबु जायो बेयावनो बान्दो थेनानै दुब्लि बारियाव दै सोनायनि राहा दडमोन । जाम्फे-दंगजों फेनाय दैफ्रा दुब्लि बारियाव नांनयनि बाग्ला जायोब्ला गुबुनथिडे दानगारानानै हगार हरनाय बै समा दा गैलिया । माबा लांखायावनो थुंगेनानै फेबाय । बै समा दा जारिमिन महरैसो गोसो खांजाबाय । दै, बान्दो-बानला, दंग-जाम्फेनि एग्रे-बाग्रे दे मोन्नाय खायनो बै समाव जॉनि आबादारि गुबैयै बर'फ्रा माइसालि माइनिल' आबाद दैखाडोमोन । माइसालि माइ गरगथियानिफ्राय लानानै जोसा, माइब्रा, नाग्रि, फुलफाखि बाइदिसिना माइ गायनानैनो ओंखामनि आलि खोयोमोन बर'फ्रा । दै एग्रे-बेग्रेखायनो खोथिया फोनानै खासिया जावयैनाय, बेनिफ्राय हा फोमोनानै आलि खोयै-आरियै हा मुजिहाब होलायनाय बेनि उनावसो खासिया खोथिया फुनानै गाय गुबै गायनाय जायोमोन साउन दाननि गेजेराव । रासायनिक हासारजों सोमोन्दो गैयै बै समाव माइ आबाद मावनाय जायोब्लाबो दैनि ओहो-रोहो जानायलाय माइ फिथाइनि दानाफ्राबो बहामोन । जायखौ जोडो माइदि बहा होन्नानै बुडो । माइ गायनाय, मावनायनि आदोब, राहाफ्रा गोदानि- आरो आधिकालनिजों रोखोमसेब्ला ( अदेबानि दानि समाव हासार आरो ट्रेक्टर बाहायसै ) बो न'यावनो दोन्धुमनाय जोलै आरो बोथोरनिफ्रायनो गायनाय फुनायखाय खरसानि बिथिडाव बाडयथारमोन नाथायब्ला दिहुनथायनि बेलायाव बाडय जाहैयोमोन मानोना बै समाव एम्फो-एनला होखारनायनि मुलि-दावालि बाहाय बाडमोन ।

फार्सेथि दैनि आंखालाव मिथिंगानि दान अखा-बांखानि सायाव ( गोबांसिनानो ) सोनारनानै गायनांगौ जानायखायनो हाखु-दाखु आबाद दैखानांगौ जानानैबो फेयो । लोगोसे बाडय समनि माइ आबाद मावनाय गोबां दिहुनथाय मोन्नायनि थागिदायाव सोदानाय सुंद' समनि माइ जोलै, हासार, मुलि-दावालि, जोथोन आरो आदोब बाहायनायनि थाखाय गोबां खरसानि गोनांथि जायोब्लाबो फिथाय दिहुनथायाव गोसोनि हास्थायनाय बादियै मोन्नो हायो । नाथाय गोबां दिहुनथायनि नोजोरजों रासायनिक हासार, मुलि-दावालि बाहायनो लानायाव हानि गुबै दाथाया नोस्टो जालानायनि मिजिं थायो । जायनि थाखाय हासार होदावनाय हायाव हासार सारालासे माइ गायोब्ला दिहुनथाया बाडय जानानै फेयो । बेखायनो सयेल टेस्ट खालामानानैसो हासार बाहायनायनि राहा लानाया गाहाम ।

माइसालि माइनि थाखाय आसार-साउन आरो भाद्रनि गेजेर बाहागोसिम ( खोथिया गोलैब्ला ) गायनो हायोब्लाबो बोथोर दयायब्ला दिहुनथाया मिजिं लानायनिखुडि बाडयसिन जानो हागौ । फार्सेथि गोदान जोलैनि माइफ्रा ओंखारनाय समाव खुवा एबा निहिर गोगलैयोब्ला गाहाम जाया, बेखायनो हागौसेबां थाब गायनानै फोजोबनाया गाहाम ।

दिनैनि फान्जामुथि

राशि बाइदियै मुंनि गिबि हांखो  
 मेष : अल वृष : ऊब (उ ए इ) मिथुन : क छ (ड घ)  
 कर्कट : ड ह सिंह : म ट कन्या : प ट (ण ष)  
 तुला : त र बृश्चिक : व न धनु : ध भ (ढ फ)  
 मकर : ख ज कुम्भ : ग श (स) मीन : द च (ख ज झ)

- मेष :** बहाबाफोर दावबायहैनानै गोजोन्नाय लानो हागोन । फारफोमबो मोजां ।
- वृष :** रेंगथिनि गियानआ बांलांगोन । गुबुनखौ थुलुंगा होनो हागोन । मोजां सान ।
- मिथुन :** मानिबा लामा हान्थिनायफ्राव हेंथा मोन्नो हागौ । सानाया जाफुंनय नडा । गोसोखौ हमथा ।
- कर्कट :** नख'र संसार जानायाव गोजोन्नाय गैयै सोमजिनो हागौ । गोसो हमथानानै सोलिनांगोन ।
- सिंह :** जेखि जाया मायावबाफोर थगाय जानो हागौ । जैरेबो सांग्रां जानांगोन ।
- कन्या :** जेबो जेंना-जेंसि गैयै शान्तिथै थानो हागोन । नख'रआ जौगानाय फेगोन । मोजां सम ।
- तुला :** जेखियानो मावा फालांगिआव मुलाम्फा खालामनो हागोन । मोजां सान ।
- बृश्चिक :** फान्नाय-बायनाय फालांगि खालामनाया मुलाम्फा मोन्नो हागोन । मोजां सान ।
- धनु :** मोजां मोनलायनायनि दौलेंआ गोरो जागोन । अनलायनाया बांगोन ।
- मकर :** सोरजोंबाफोर बायदिसिना होन्नानै मुं सुजानो हागौ । गोसोखौ हमथानानै था ।
- कुम्भ :** जेखि-जाया मायावबाफोर अजद एबा हेंथा मोन्नो हागौ । सानाया जाफुंनय नडा ।
- मीन :** नख'रआव मानिबाफोर दावराव-दावसिफोर जानो हागौ । गोसोखौ शान्ति गैयै मोनगोन ।

हादतगिरिमुर्मु आरो गाहाइ मन्थि मदिजों लोगोसे हादतनि दैदेनगिरिफोरा टी-20 वर्ल्ड काप देरहासार हान्जानो हामब्लायथि बाउदों

गोदान दिल्ली, 30 जून: टी-20 वर्ल्ड कापनि दूफि देरहानायनि उनाव शनिवार मोनायाव हादतनाडै दिवाली बायदि थासारि सोमजिदों । काश्मीरनिफ्राय लानानै कन्याकु मारिसिम सुबुंफोरा लामाफोराव बायदि रोखोमनि दामजु दामनानै रंजाथाइ फालिदों । हादतआरिफोरनि आखाय-आखाय माहारियायि फिफरफला आरो खुगायाव इन्डिया-इन्डिया सोदोब रिखांदों । फावगिरिफोरनिफ्राय लानानै सरसनला सुबुंफोरनिसिम बयबो भारतीय हान्जानो आलादा-आलादा रोखोमै देरहानायनि हामब्लायथि हरदों । हादतगिरि द्रौपदि मुर्मुआबो भारतीय हान्जानो हामब्लायथिहरनानै एक्सआव टी-20 वर्ल्ड काप देरहानायनि थाखाय भारतीय हान्जानो आंनि गोबांनिफ्राय गाहाम हामब्लायथि



हरो होन्ना लिरदों । माब्लाबाबो जेन्नाय गनयैनि सान्दांथिजों भारतआरि हान्जाया गोब्राब थासारिजों सौसिलांदों आरो दुर्नामेन्टआव गोखोडै दिन्थिफुंदों । फाइनाल बादायलायनायाव बेयो मोनसे गोब्राब देरहासारनायमोन । हादतआ भारतीय हान्जानि सायाव गोगानाय मोनो । फार्सेथि भारतीय हान्जानि देरहासारनायनि

उनाव गाहाइ मन्थि नरेन्द्र मदिआबो गाहाम हामब्लायथि होयो । बिथाडा मोनसे भिडिअ पस्टनि गेजेरजों भारतीय हान्जानो गोखों देरहासारनायनि थाखाय गासैबो हादतआरिफोरनि फार्सेनिफ्राय गोथौ हामब्लायथि, दिने 140 कौटि भारतआरिफोरा बिथामोननि बे दिन्थिफुंनयजों गोगानाय मोन्दांथिदों । गेलेमुनि

फोथाराव वर्ल्ड कापखौ देरहासारना दिन्थिदों आरो हादतनि खना-खनला जेगवबो हादतआरिफोरनि गोसोखौ देरहासारनो हादों । बेरफार्सेथि कंग्रेसनि दैदेनगिरि राहुल गान्धीआबो रहित ब्रिगेडनो देरहासारनायनि हामब्लायथि होदों । बिथाडा एक्सआव बुंदोंदि, वर्ल्ड कापआव गोखों

देरहासारनाय आरो आबुं दुर्नामेन्टआव गोखों देरहासारनायनि थाखाय भारतीय हान्जानो हामब्लायथि होयो । शूर्या कुमार यादवआ मोनसे गोखों के च हमदों । बे देरहासारनाया रहितनि हान्जाखौ देरहानायनि फोरमान होयो । नाथाय भारतआरि हान्जाया रहल द्राभिदनि लामा दिन्थिनायनि आंखालखौबो मोन्दांथिदों । गोखों गेलेगिरिफोरा हादतखौ मुलुगआव गोगगाखां होदों । मिरुनि मन्थि राजनाथ सिंआबो भारतीय क्रिकेट हान्जाया फोथायनो हाथावै देरहासार आरो जाफुंसारनायखौ मोर्थां महर होदों होन्ना बुंदों । लोगोसेनो टी-20 वर्ल्ड कापनि फाइनालाव खोला आफ्रिखाखौ फेजेन्नानै भारतीय हान्जाया जारिमिन सोरजिदों, जायनि थाखाय हादतनाडै खुसिनि दोहो गोमखांदों होन्नानै

बिथाडा भारतीय क्रिकेट हान्जानो गावनि हामब्लायथिखौ बाउयो । इउपनि गिबि मन्थि यगी आदित्यनाथआबो भारतीय हान्जानो गाहाम हामब्लायथि होनानै बुंदोंदि, भारतीय हान्जाया वर्ल्ड सेम्पियन जानायाव बिथामोनजों लोगोसे बयबो भारतआरिफोरनो गोबांनिफ्राय गाहाम हामब्लायथि होयो । बिथाडा भारतीय हान्जानो साबायखरबो होदों । मध्य प्रदेशनि मन्थि कै लाश बिजयबरीगियआबो टी-20 वर्ल्ड काप फाइनालाव भारतनि हान्जाया देरहासारनायखौ लाना इन्दरआव रंजाथाय फालिनायाव बाहागो लादों । बिथाडा इन्दरनि सुबुंफोरजों रंजाथाइआव बाहागो लानानै भारत बिमानि जै स्ल'गान होनानै माहारियायि फिफरफलाखौ बिरहोदों ।

सांन्थिनि जारिमिनआव सानै फरायसानि लोगोआ हा-सा आरो दै सांन्थिनि गाहाइ बिबानखौ आजावादों

गोदान दिल्ली, 30 जून: भारतआरि दै सांन्थिनि जारिमिनआव गिबि खेब दै सांन्थि आरो हा-सा सांन्थिनि सानै लोगोआ जयै बिबान आजावो । लेफिटेन्ट जेनेरेल उपेन्द्र द्विभेदिआ रबिबारआव हा सांन्थिनि गाहाइ महरै बिबान आजावो । फार्सेथि एडमिरेल दिनेश त्रिपाठीआ थांनय 30 एप्रिलनिफ्रायनो दै सांन्थिआव गाहाइ बिबानगिरि जानानै दड । मख'जाथावदि, दै सांन्थिनि गाहाइ एडमिरेल दिनेश त्रिपाठी आरो हा-सा सांन्थिनि गाहाइ लेफिटेन्ट जेनेरेल उपेन्द्र द्विभेदिआ मध्य प्रदेशनि रिभा सैनिक स्कु लनिफ्राय जयै सोलोंथाइ लादों मोन । बिथामोनहा 1970 माइथायाव



थाखो 5 निफ्रायनो जयै फरायसालिनि सोलोंथाइखौ लादोंमोन आरो थाखोआव फारिनफोरबो खाथि-खाथिमोन । फरायसालियाव हाबजेन्नाय सानफोरनिफ्रायनो बिथामोनहा आंगो लोगो जादोंमोन । लेफिटेन्ट जेनेरेल द्विभेदिआ हा-सा सांन्थिनि 30थि गाहाइ बिबानगिरि महरैदिने बिबान आजावो । जेनेरेल मनज पान्डेआ दिने रबिबारआव 26 दान

हाबाफारि मावनायनि उनाव आजिरा मोनो आरो बे बिबानखौनो द्विभेदिआ लायो । लेफिटेन्ट जेनेरेल द्विभेदिआ सा सांन्थि हान्जानि कामान्दर महरै गोलाव सम बिबान सामलायबोदों । बिथांहा चीन आरो पाकिस्तानजों नांजबनाय सिमनाफोराव अपारेशन खालामनायनि गोखों रेंगथि आरो मन्दांथि दड ।

जिय'-एयारटेलनि उनाव भडाफन-आइदियाबो रिचार्सनि बेसेनखौ बांहोगोन




गोदान दिल्ली, 30 जून: जिय' आरो एयारटेलनि उनाव भडाफन-आइदियाआबो गावनि बाहायगिरिफोरनो सोमोनांथाव थांखि फोसावदों । हादतनि उथि देरसिन टेलिकम कम्पानी भ डा फ न - आ इ दि द या ( भिआइ ) आ गावनि रिचार्स प्लाननि बेसेनफोरखौ बांहोदों । जिय' आरो एयारटेलआ 3 जुलाइनिफ्राय गोदान रिचार्स प्लानखौ गोहोम गोनां खालामगोन । फार्सेथि भिआइ 4 जुलाइनिफ्राय रिचार्स प्लानखौ सोलायनानै गोदान बेसेनखौ गोहोम गोनां खालामगोन । बे साननिफ्राय भिआइ इजकारफोरा रिचार्स सोनायाव बांसिन खरसा खालामनांगोन । मख'जाथावदि, भिआइआ गावनि बाहायगिरिफोरनि सुबिधाथि

थाखाय फारिलाइआव मोनसेनिफ्राय साबसिन मोनसे रिचार्स प्लान एड खालामदों । बेयाव सर्थ टार्मनिफ्राय लानानै लं टार्म आरो बाडइ बेसेननिफ्राय लानानै बेसेन गोसानि रिचार्स प्लानफोरखौ मोनगोन । नाथाय 4 जुलाइनि उनाव भिआइनि खम बेसेनआव मोन्नो हानाय रिचार्स प्लानआबो बेसेन गोसा जासिगोन । फार्सेथि जाय इजकारफोरा रिचार्स प्लाननि थाखाय गोबां रां खरसा खालामनो सानाखे बिसोरो 4 जुलाइनि सिगांनो लं बेलेडिटि गोनां प्लानखौ आजावनानै रांखांथिखौ रैखा खालामनो हागोन । भिआइनि फारिलाइआव 1799 रंनि प्लान लिस्टेड दड । बेयो 4 जुलाइनि उनाव 200 रां बागोन । बे

प्लानआव कम्पानीआ 365 साननि लं बेलेडिटि अफार होयो । बेयो मोनसे आनलिमिटेड कल मोन्नो हानाय प्लान । बेनिखायनो बेयाव इजकारफोरा आनलिमिटेड डेटाबो मोनो । अदेबानि बोसोर सेआव बाहायगिरिआ बे प्लानआव 24 जिबि डेटाल' मोनगोन । नाथाय 4 जुलाइनि उनाव बे प्लानखौ आजावायोब्ला 1999 रां खरसा खालामनांगोन । भिआइआ इजकारफोरनि गोनांथिखौ नोजोर होनानै गुबुन गुबुन प्लान अफार खालामो । बाहायगिरिआ से बोसोरनि थाखाय आनलिमिटेड आरो बांसिन डेटा हास्थायोब्ला बेनि थाखायबो भिआइआ अपसन लाबोदों । बे फारिलाइआव 2899 रंनि प्लानबो दड । बेयाव इजकारआ 365 साननि बेलिडिटिजों लोगोसे सानफोमबो 1.5 जिबि डेटा मोनगोन । बेबायदिनो बे आबुं प्लानआव 547.5 जिबि डेटा मोनगोन । नाथाय 4 जुलाइनि उनाव बेनि बेसेनआ 3499 बेसेन रां जाहैगोन । अदेबानि 4 जुलाइनि सिगां बेनि सुबिधाखौ लायोब्ला, 600 रां रैखा मोन्नो हागोन ।

सिएम अरबिन्द केजरिवालआ तिहाइ जेलआव सौहैफिनबाय

गोदान दिल्ली, 30 जून: दिल्ली गेना-खान्थि केसआव गिबि मन्थि अरबिन्द केजरिवालखौ बिजिरनाय जिम्मानि गेजेरजों 14 सानफोरनि थाखाय जेलआव दैथाय हरो । बे केसखौ इडिआ नायबिजिरनायनि उनाव आथिखालाव सिबिआइआ नायबिजिरबाय आरो बिसोर सिगाडावनो केजरिवालखौ कर्टआव नुजाथिनायनि उनाव ग्रे'प्टार खालामदोंमोन । बिजिरनाय जिम्मानि समा जोबनायनि उनाव बियो थांनय शनिवारखालि फिन खेबसेबाव कर्टआव नुजाथिदोंमोन । बेनि सिगां शनिवारखालि राउज एभेन्थु कर्टनि जर'खा बिजिरगिरि सुनेना शर्माआ अरबिन्दखौ विनि सान 3 नि सिबिआइ जिम्मा जोबनायनि उनाव बिजिरसालियाव



लाबोनाय बिथोनखौ रैखाथिये लाखिदोंमोन । गावनि रिमान्दनि आर'ज गाबनायाव केजरिवालआ नायबिजिरनायाव हेफाजाव होयाखै आरो फिन्नायखौ उल्थां-फाल्थां होदों होन्ना दाय जाबसिदों । केजरिवालआ दिल्लीआव जौ गेना खान्थियाव गाहाइ दायनिगिरि आरो जेलनिफ्राय बाइजोआव फेनायनि उनाव बियो नायबिजिरनायाव गोहोम खोख्लैनो हागौ ।

केजरिवालआ जौ नेमखान्थिखौ मानो सानसेनि गेजेरवोनो गनायथि होया बेनि जाहोनखौ फोमयानो हायाखै होन्ना सिबिआइआ बुंदों । बेर फार्से, केजरिवालखौ 14 साननि बिजिरनायनि जिम्मायाव दैथायहरनायनि सायाव आम आदमी पार्टिनि दैदेनगिरि गपाल रायआ बिजेपिनि सायाव दाय जाबसिन्ना बिसोर केजरिवालखौ जेलआवनो लाखिबाय थानो लुबैदों होन्ना बुडो ।

कर्नाटकनि लेडाइ गिबि मन्थि शिब कुमारआ पार्टिनि बिबानगिरिफोरनो सांग्रांथि होदों



गोदान दिल्ली, 30 जून: कर्नाटकनि लेडाइ गिबि मन्थि दिके शिब कुमारआ पार्टिनि गाहाइ बिबानगिरिफोरनो गोखों सांग्रांथि होदों आरो दैदेनयानि आयदाफोरखौ लाना राइज्योआरि बिबुंथि होनायनिफ्राय जानगाराव थानो खावलायदों । शिब कुमारआ सांग्रांथि होनानै सोद्रोमाफोरखौ सिरियै थानो बुहस्तायनि अनगायै बेखौ गनायना सोलियाब्ला बिसोरनि हेंथायै गोखों नायबिजिरगोन होन्नाबो सांग्रांथि होदों । सिगां फार्से बिथाडा लेडाइ गिबि मन्थिनि सायाव जेबो सावरायनाय जायाखै आरो गिबि मन्थिनि थासारिनि सायावबो सावरायनायनि जेबो सौंथि सिखाड, सोरबाया गिबि मन्थि आयदाखौ दैखाडोब्ला बेनि हेंथायै नायबिजिरनाय जागोन

होन्ना बुंवावो । मख'जाथावदि, शिब कुमारआ दिल्लीआव सानने दावबायहैना गिदिलांफिन्नायनि उनाव बेफोरबायदि गोखों बाश्राखौ बुंदों । बेनि अनगायै कुमार चन्द्र शेखर स्वामीआ गावनि फार्से अन्याय थानायनि जाहोनाव बे बाश्राखौ बुंदों । स्वामीनिसिम आखाय खबजवनानै राजखान्थिनि आयदायाव बिथाडा आखाय होनाडा होन्ना खावलायदों । पार्टिआ बिथांनि हाबा मावनायनि सायाव थांखि लागोन होन्नानैबो शिब कुमारआ बुडो । अदेबानि शिब कुमारआ सांग्रांथि होनायनि उनावबो मन्थि केएन राजन्नाआ बिबुंथि होनानै बुडोदि, जेब्लासिम पार्टिआव बयबो सुबुंफोर होबथानाय बिथोनखौ आबुडै गनाया अब्लासिम गावबो सांग्रांथिफोरखौ नोजोर

होनाय नडा होन्ना बुडो । मख'जाथावदि, कर्नाटकआव कंग्रेस पार्टिनि सिडाव आरो बाइजोआवबो शिब कुमारखौ गिबि मन्थि मासियाव बोस्लायनांगोनि दाबि दैखांनयखौ लानानै गोबां बाश्राफोरा सिखांदों । पार्टिनि माखासे बिबानगिरिफोरा राइज्योआरि महरैबो मोन 3 उफ्रा ले डाइ गिबि मन्थि मासिफोराव दैदेनगिरिफोरखौ थिसन्यायनि बाश्रा बुंदों । शिब कुमारआ बुंवावदोंदि, कडुगे आरो सिद्धार्थ मैयाजों लोगोसे माबायदि खामानि मावनांगौ बेखौ गावसोर थि खालामदों । बेनिखायनो सोरबा एमएलए, मन्थि एबा स्वामीआ बे आयदायाव बुंनगोनि गोनांथि गैया । जुदि बिथाडा गावसोरनो आशिबाद होयोब्ला गावसोरनि थाखाय बेनो थोजासे । सोरबा एमएलए एबा पार्टिनि सोरबा सुबुडा बे आयदाखौ दैखाडोब्ला एआइसिसि एबा गावनो नटिस फोसावनानै गोखों नायबिजिरनो थाखाय नारसिन्नाय जागोन । नटिस फोसावजायोब्ला बेनि फिन्नायखौ बिथाडा होगोन ।



## हादतगिरि मुर्मुआ बिबुंथियाव मनिपुरनि जेंनाखौ रायखाडैनि कंग्रेसआ सोंखारिदों

इम्फल, 30 जून: मनिपुर राज्ज्यो कंग्रेस कमिटी (एमपिसिसि)आ 27 जूनखालि संसदन गनैबो सदरनि जुथाइ खुंफुं नायाव हादतगिरि द्रौपदि मुर्मुनि बिबुंथि होनाय समाव मनिपुरनि सोलिबाय थानाय जेंनाखौ रायखाडैनि थाखाय सोंखारिदों। एमपिसिसिनि हाबाफारि आफादगिरि के देबबतआ शनिबारआव बुंदोंदि, हादतगिरिनि बिबुंथि होनायाव मनिपुरखौ रायखाडैआव राज्ज्योनि सुबुंफोरा अफमान खालामजानाय बायदि मोन्दांथिदों। बयबो आसा खालामना थादों मोनदि, हादतगिरिआ गावनि बिबुंथियाव मनिपुरनि सोलिबाय थानाय हिंसायारि आयदाखौ रायखांगोन, जाय नार्क-उदखारि आरो हाथियार



दैग्रा उदखारिफोरनि राज्ज्योआव हाबफैनायनि जाहोनाव हादतआव बयनिखुइबो गोब्राबसिन खैफोदफोरनि गेजेराव मोनसे जानानै फेदों। बे जेंनाया राज्ज्योनि हेंथायै दावहा लाबोनानै सिलिंखार

मदिनिमिमबो सोंथि दैखादों। बिथाडा बुंदोंदि, गाहाइ मन्थिआ मनिपुरनि थासारिखौ बिबिदिनो सोलि होलांबाय थागोन नामा। बे आयदाखौ लोरबां खालामनायनि खैसार सानानै दड नामा। बेनि गेजेरावो एनडिइ एमएलएफोरनि मोनसे हान्जाया माहारियारि राजथावनिमिम सौहैनायनि उनाव मनिपुरनि आरोबाव सानै एमएलएआ शनिबारखालि इम्फलनिफ्राय गोदान दिल्लीसिम थाडो। बिसोर एमएलएफोरनि गेजेराव मनिपुरनि गिबि मन्थि एन बिरेन सिंनि बिजामादै आरके इम आरो एनद्र एमएलए टिएइस स्याम कुमारआबो दंफायो।

## केरेलायाव टेंकारनिफ्राय गेस गनायजों जोखोम जानाय सा 8 फरायसाफोरखौ देहा फाहामसालियाव थिसन्दों

कन्नुर, 30 जून: केरेलायाव टेंकारनि गेस लीक जानायनि जाहोनाव थानाय शुक्रबारखालि गिदिर जाथाय जायो। अदेबानि कन्नुर जिल्लानि रामपुरमआव गंसे टेंकार ट्रकनिफ्राय गेस लीक जायो, जायनि जाहोनाव गंसे नासि कलेजनि सा 8 फरायसाफोरखौ देहा फाहामसालिआव थिसनो गोनां जायो। गेसनि जाहोनाव गथ'फोरा हां लानायाव जेंना सोमजिनो हमो। खुनुरुखुमै फरायसाफोरखौ परियारम मेडिकल कलेज आरो पझायंदडी तालुक देहा फाहामसालियाव लांनय जायो। पुलिसआ बेनि सोमोन्दै खौरां होनां आथिखालाव गासै फरायसाफोरनि थासारिआ गाहामै



दड होनां फोरमायदों। सुलुनि बादिब्ला, शुक्र बारखालि बेलासियाव टेंकार गारिनिफ्राय हाइड्रक्लरिक एसिड ओंखारनाया जागायो। टेंकार गारिआ कर्नाटकनिफ्राय एर्नाकुलाम फार्स थांबाय थादोंमोन। आथिखालाव

पय्यान्नुर आरो परियायम पुलिसजों लोगोसे अर खोमोखा दोलोनि हान्जाया जाथायथिलियाव सौहैयो। अर खोमोखा दोलोआ गेस गनायनि सायाव सामलायनो नाजादोंब्लाबो गनाया आबुडै

जोबजसिम होबथानो हायाखै। अदेबानि गारिनि कन्टेनरनि उनाव थानाय वाल्मआव गेस गनायखौ मिथिनो मोनो आरो अर खोमोखा दोलोनि गेजेरजों गारिखौ थाबेनो रैखाथि गोनां जायगायाव लानानै थांनय जायो।

## जेनेरेल उपेन्द्र द्विभेदिआ भारतनि गोदान सान्थि गाहाइ जाबाय

गोदान दिल्ली, 30 जून: भारतआरि सान्थिफोरा गोदान सान्थि गाहाइ मोनबाय। जेनेरेल उपेन्द्र द्विभेदिआ 30 जूनआव भारतआरि सान्थिनि बिबान आजावयो। बेनि सिगां बियो 24 फेब्रुवारीनिफ्राय लेडाइ सान्थि गाहाइमोन। बियो सुपार स्पेशिपिक सार्भिस मेडेल, अटम डिस्टिंगुइस सार्भिस मेडेल आरो मोनथाम जिअसि-इन-सि मुंदांखा बान्था मोनखांबाय। बिथाडा मध्य प्रदेशनि थागिबि आरो सैनिक स्कुल रिभा (एमपि) निफ्राय फरायनायखौ आबुं खालामदों। बिथाडा 1981 नि जानुवारी दानआव मुदांखा माहारियारि रैखाथि एकाडेमिआव हाबो आरो 1984 नि 15 डिसेम्बरआव जम्मु-काश्मीर राइफल्सनि 18थि बेटेलियनआव कमिशन मोनो। जायनि बिबानखौ बिथाडा उनाव काश्मीर हायेन आरो राजस्ताननि बाला हामायाव सामलायो स्कुलाव फरायनाय समनिफ्रायनो



बियो सासे मोजां गेले गिरिमोन। बिथाडा एनडिइ आरो आइएमए मोननैआवबो सिबसिन दिन्थिनो हादों। जेराव बिथाडा फिजिकल ट्रेनिङाव ब्लुजों मान बावजादोंमोन। कमिशन मोन्यायनि उनावबो बिथाडा गावनि साबसिन दिन्थिनायखौ सोलिहोनो लाखिबाय थादों आरो फिजिकल ट्रेनिं कर्टआव

गोदान दिल्ली, 30 जून : भगवान जगन्नाथनि रथ यात्रायाव फैनो गोनां सिबियारिफोरनि थाखाय भारतयारि रेलवेया जर'खा थियारि खालामदों। रेल मन्थि अश्विनी बैष्णवआ थांनय शनिबारखालि बुडोदि, सिबियारिफोरनि हान्था-मेलखौ नोजोर लाखिनानै बे समाव गं 315 जर'खा रेलगारिफोर हगारनाय जागोन। बिथानि बायदिब्ला, भगवान जगन्नाथनि रथ यात्रानि समाव रेलवेनि गेजेरजों छत्तिसगड्, अन्ध्र प्रदेश, सोनाब बंग आरो झारखान्ड बायदि गुबुन गुबुन राज्ज्योफोरनि गासै बाहागोफोराव खमैब्लाबो गं 315 जर'खा रेल गारिफोर हगारनाय जागोन। खौरांनि बायदिब्ला रेल, बिफानआ गासै 15,000 सुबुंफोर थानो थाखाय मोनसे हल्लिं एरिया बानायगासिनो दड होना



मन्थिया बुंदों। इकनमिक टाइम्सनि खौराडबो बुंदोंदि, जों सिबियारिफोरनि दावबायनायखौ गोरलै खालामनो थाखाय

जेब्लाबो नाजागासिनो दड, बेयाव गासै 15 लाख सिबियारिफोरनि थाखाय थियारिफोर खालामगासिनो दड।

रिपर्टनि बायदिब्ला, राज्ज्योनि गासै मोन 25 जिल्लाफोरनिफ्राय सिबियारिफोर फैगोन आरो हादतगिरि द्रौपदि मुर्मुआबो

उरिप्याआव फैगासिनो दड। बेयाव बिथारखौ गाजा-गोमजायै बरायनाय जागोन। बेनि सिगां थांनय 22 जूनआव स्नान पुर्णिमानि सानआव उरिप्यानि पुरियाव भगवान जगन्नाथ मन्दिराव रोजा-रोजा सिबियारिफोर नुजाफेदोंमोन। भगवान जगन्नाथनि रथ यात्राया फैगो 7 जुलाइयाव जागोन। स्नान पुर्णिमाया उरिप्यानि मोनसे फोर्बो, जेराव भगवान जगन्नाथखौ गावनि फं बाय-बिबानावफोरजों लोगोसे न'निफ्राय बायजोआव स्नान मन्डपआव लांनय जायो।

## दिल्ली एयारपर्टआव टि-1 नि उरां जाहाजफोरखौ टि-2 आरो टि -3 निफ्राय सालायफिनसिगोन

गोदान दिल्ली, 30 जून : दिल्ली उरां जाहाज गाथोनाव जानाय जात्रबथाइनि उनाव थांनय शनिबारखालि दिल्ली एयारपर्टआव 20 निखुइ बांसिन उरां जाहाजफोरखौ होबथायो। अदेबानि सानसे सिगां बिल्डिंनि उखुम गोपलैनाय जाथाइनि उनाव टर्मिनलखौ बन्द' खालामदोंमोन। बेनि गेजेरजों नोगोरारि उरां जाहाज बिफानआ फोरमायोदि, दिल्ली एयारपर्ट टर्मिनल-1 नि थाखाय थिखानाय उरां जाहाजफोरखौ टर्मिनल-2 आरो 3 आव सोलायनाय जाबाय। दिनेनिफ्राय बे हाबाफारिखौ जागायबाय। आथिखालाव बेयो माखासे सानफोरसिम सोलिगोन। मानोना टर्मिनल-1 खौ आबुडै गाहाम खालामनायाव माखासे सानफोर नांवावगोन। सुलुनि बायदिब्ला थांनय शनिबारखालि टि-1 निफ्राय सालायनो गोनां इन्डिगनि 20 निखुइ बांसिन उरां जाहाजफोरखौ होबथादों। आथिखालाव इन्डिगनि फारसेनिफ्राय बेनि सोमोन्दै जेबो बिबुंथि होयाखै। थांनय शुक्र बारखालि दिल्ली उरां जाहाज गाथोनखौ सालायग्रा कम्पानी डायलआ बुडोदि, बिसोर उरां जाहाज गाथोननि



टर्मिनल-1 आव उखुम सोलोखान्थियारि कमिटी गोरलैनाय जाथाइखौ दाबाय आरो बे जाथायनि नायबिजिरनो थाखाय मोनसे गाहाइ जाहोनाव लांन्थियै

गोबां अखा हानायनि जाहोनाव जादों होन्ना सुलुडव फोरमायदों।

## मुलुगनि देरसिन दै सान्थिआरि हुदायाव भारतनि स्टील्थ फ्रिगेट आइएनएस शिबालिकआ बाहागो लाहैदों

हावाइ, 30 जून: भारतआरि दै सान्थिनि हादतआवबो बानायनाय स्टील्थ फ्रिगेट आइएनएस शिबालिकआ मुलुगनि देरसिन इन्त्येसनेल लैथोमा हुदा रिम अफ दा पेसिपिक (रिमपेक)नि 29थि हाबाफारियाव बाहागो लानो पर्ल हार्बरआव सौहैदों। बे हाबाफारिखौ हावाइआव खुंनय जादों। भारतआरि दै सान्थिया बेजों भारत आरो आमेरिकानि गेजेराव सोमोन्दोआ गोखोंसिन जानायनि मोनसे बिदिन्थि होन्नाय जादों। बे हुदानि खोलोबा फैगो 7 जुलाइसिम जागोन। रिमपेकनि लैथोमायारि खोलोबआ मोन 3 बाहागोआव बोखावजादों। जेराव गुबुन गुबुन हुदाया दंफायो। गासैखौबो जयै लानानै हुदाया 1 आगस्टसिम जागोन। आमेरिकाआ प्रशान्त फ्लीटनि कामान्दरआ खुंफुंनय हुदायाव बाहागो लानो गोनां सान्थिफोर खैफोद रेहायनिफ्राय लानानै



लैथोमा रैखाथि अभियानफोर आरो आदोब गोनां दावहा नांनयनि गोहोफोरखौ लानानै हुदा खालामगोन। रिम अफ दा पेसिपिकआ थांनय माखासे बोसोरफोरग मुलुगनि बयनिखुइबो देरसिन आरो गाहाइ जुथाइ लैथोमा हुदानि खबु जानानै फेदों। बेनि थांखिया सोमोन्दो फोजौखानाय, इन्टर पेरबिलिटी आरो इफिचिइचिखौ बांहोनो आरो गोजोन आरो दिदोमथिआव बिहोमा होगोन। बेयाव बाहागो लानो गोनां हादतफोराव भारतनि अनगायै अस्ट्रेलिया, बेल्जियम, ब्राजिल, बुनेइ कानाडा, चिली, कलम्बिया, डेनमार्क, इक्वाडोर, फ्रान्स, जार्मानी, इन्देनेसिया, इज्राइल, इटाली, जापान, मालेशिया, मेक्सिक', नेडारलेन्ड, निउजिलेन्ड, पेरु खोला करिया, फिलिपिन्स, सिंगापुर, श्रीलंका, थाइलेण्ड, टंगा, इउके आरो आमेरिकाआबो दड।

## निट पेपार लिक केसआव प्रिन्सिपालजों लोगोसे सा 3 ग्रेप्टार

गोदान दिल्ली, 30 जून : मेडिकल स्टुडेन्टनि निट-इउजि पेपार लिक जानाय के सआव मिरुयारि नायबिजिरग्रा एजेन्सि (सिबिआइ) आ हादतनाडै गोखोडै सिप्रोमगासिनो दड। बिहारनि हजारिबागनिफ्राय अएसिस स्कुलनि प्रिन्सिपाल आरो भाइस प्रिन्सिपालजों लोगोसे सा 3 सुबुंफोरखौ सिबिआइआ ग्रेप्टार खालामो। पाटनायाव सिबिआइआ आशुतप आरो मनिष प्रकाशखौ ग्रेप्टार खालामदोंमोन। थांनय शनिबार खालि बिसोर गासैनिबो मेडिकल टेस्टआव खालामो। शनिबारखालि सिबिआइआ निट-इउजि पेपार लिक के सआव पाटनानि बेउर जेलआव जोबथेनानै थानाय माखासे



दायनिगिरि फोरनावबो जेरा सेबो। जेरा सेबनाय समाव बांसिन दायनिगिरिफोरा सन्जिभ मुखिया आरो सिकन्दर यादवेन्दनि मुं लादों। निट-इउजि पेपार लिक केसआव बे सानैआबो मास्टर माइन्ड होन्ना सुलुडव फोरमायदों। सन्जिभ मुखिया निट-इउजि आन्जादनि सानसे सिगां थांनय 4 मेयाव

पाटनायाव थानाय लर्ड प्ले स्कुलजों लोब्बा गोनां हौवासाफोरनि हस्टेलआव गासै सा 25 केन्डिटेफोरखौ लाखिदोंमोन। बे गासै केन्डिटेफोरनो हस्टेलआव लिक जानाय पेपार आरो एन्सार शिटखौ होदोंमोन। सुलुनि बायदिब्ला, सन्जिभ मुखियानि फिसाज्जा शिबआ बिहार सुबुं सिबिथाइ आयग

(बिपिएससि) फोरोंगिरि थिसन्याय आन्जादनि पेपार लिक जानाय केसआव लोब्बा थानायनि जाहोनाव सिगांनिफ्रायनो जेलाव जोबथेजाना दड। बेरा फारसे, दानापुर मिउनिसिपाल बर्ड कमिटियाव सासे जुरियर इन्जिनियार सिकन्दर याबेन्दुआबो बे केसआव मास्टरमाइन्ड।



# नारिखल सिंआव बबेनिफ्राय बिदै ज'मा जाना थायो मिबथिनो गोनां

नारिखल फिथाइनि बिदैया इलेक्ट्रोलाइटस आरो एन्टिअक्सिडेन्टजों बुंफबनाय। बेयो डिहाइड्रेशननिफ्राय रेखाथि होयो आरो देहाखौ जोबोद मँग्लनाय मोन्दोबा थाबैनो देहायाव इनाजिबो ज'गायना होयो। नाथाय एसेबां गुणजों बुंफबनाय नारिखलनि बिदैया सिंआव माबोरै सोमजिखाडे? बेयो बबेनिफ्राय ज'मा जायो बेफोर सौंथिया सान्नो गोनां। नारिखल बिदैयाव भिटाडामिन



बि-2 (राइबफ्लेविज), बि 3 (नियासिन), बि1 (थियामिन), पेन्थेनिक एसिड, फलिक एसिड, बायटिन, पटासियाम आरो सडियाम थायो। बेयाव कार्बहाइड्रेट आरो एमिन एसिडबो मोन्नाय जायो। एसेबां मुलाम्फा गोनां नारिखल फिथाइनि बिदैया नाथाय माबोरै सोमजिखाडे? बांसिन सुबुंफोरानो बेनि फिन्नायखौ होनो हाया। मख 'जाथावदि, नारिखलआ मोनसेल' ओरैबायिद फिथाइ, जायनि सिंआव बिदै मोन्नाय जायो। बे बिदैया नारिखलनि



भुण एबा हाइना गोनां बाहागो। बे बाहागोयावनो उनाव नारिखल फुलि गोदान जायो। एन्डस्पार्म एबा भुणकष थामहिनबा हाइना गुन्दाखौ जौगाखां होग्रा भुणखौनो पषक तथ्य ज'गायना होयो। बिफांआ गावनि जिबखिफोरनि गेजेरजों रोदाजों हानिफ्राय दै बोना लानानै फिथाइसिम सौहैहोयो। बे दैयाव जेब्ला एन्डस्पार्मआ गलायफायो अब्ला बेयो गुबुंले एबा रोजा जायो। बिफांनि रोदाफोरा सोबना लानाय दैखौ जिबखिफोरनि



गेजेरजों बेगरनि बे दै थानाय बाहागोखौ बानायनो लाबोनाय जायो। जेब्ला नारिखल फिथाइया गोमोन जायो अब्ला बेनि सिंनि बिदैयाबो रानलानो हमो। गिबियाव बेयो गुफुर बल बायदि लाथा जाप्रोयो आरो उनाव फिथाइया आबुं मोनोब्ला गोरान नारिखल महराव बेखौ मोन्नो हायो। बेबायिदनो मोन्नेखौबो जों जानो हायो।

# रंजालि गथ'फोरनि सौरा

## रोजोब खन्थाइ.....

दुब्लियाव थांदों हाबु फुन्दों सावगारि लादों फेजबुखआव होदों, मावथि होनना बुंनो लादों सेंग्राफोरा दिसलाइक बट्टन नागिरदों।

अखा हादों दै लोमसावदों दैमा सेराव चैलपि लादों हाब्रां गिसिखाना गोलैलादों सरखारा हनै बदनाम मोनदों नायगिरना मोत्राय सह'था राखेंदों।

आदार होदों नावद्राबो बुदों खौरां मेलआव बाश्रा बुदों द्रामासो होनना बर'फ्रा सान्दों नाफाम जाग्रा होनना थगायसोदों रागा जोंजाना गुन्थुंआव दै हाबदों।

मबाइल लादों रिस्स बानायदों फेजबुखआव होदों रां खामायदों मोजां मोननाया रागा जोंदों नागारलायना भाइरेल खालामदों।

गलाप खुंगुं बसुमतारी बसगाव, कक्राइर

## रागानि गुथाल

मानसिनि मोनथाम सुथुर बेनो जादों-तुबैनाय आथोन हास्थायनाय आरो रागानि गुथाल

-रैदोम बर', बाक्सा

## जेंना

समजों लोगोसे गेलेदोंमोन आं बै गुवार फोथाराव दसे समनि उनाव नुनो मोन्दोंमोन आं मोनसे जेंना। माबोरै बे जेंनाखौ बोखारनो हालाय-हाफाय जादोंमोन आं गोजोन गैयै दावराव-दावसि रावबो हेफाजाब होफेयाखैमोन। आंनि बे गोजोन गैयै जेंनायाव हज्रिखाव हज्रिखाव गाबदोंमोन आं सहायनो हायाखैमोन आंनि गोजोन गैयै जेंनाखौ गावखौनो गाव बावगोमा लादोंमोन आं सानोमोन आं बे जेंनाखौ माबोरै बोखारनो बे बुहुमआव गोजोन गैला सुखु गोजोननि लामा गैला बे गोजोन गैयै संसाराव राइजो जाला आं बे संसाराव, समासो ओरैनो बारा' लांबाय नाथाय बे जेंनाखौ बोखारनो हायाखैसै बे आंनि जिउनि जेंना।

## बै समनि बुंलानाय दिन

गोसोनि बाना दैया बोदोयलांबाइ गोसोनि साननायाव। बोदोय लाडे नों जेबलाइबो आंनि मेगनि नोजोराव। दसे समबो गैया नामा नौनि राव गोदै बुंनया फाव बोदोयनाय दैया आंखौ बुंहरो दैसानि सेराव जनाने मा सान्दो आदा आं बाउगादाउने खानाने बिनि फिनखौ बुहरनो सानो अब्लानो सोनाबथिनिफ्राय मा गिथाव बाथाव बारनि बार बारनायाव आंनि फोरमाय हरनाय राव बाश्राया बारजों उराय लाडे। दैसानि दैया आंनि राव बुंनयाखौ खोनानो मोनोयलाय एखनब्ला दैसानि रुगुनि हाब्रांखौ गुणब गिसि गाहोयो। अब्ला आं गोसोआव सानखानाय फेबाय जे आंनि रावखौ दैसा बोदोयलानाय खोनो मोनाखौ बिनिखायनो आं सानघिनो ब्रै आं बुलानाय बाश्राया बेसेबांबा समायनामोनदा आं बादो मोनबावनो

मुसि बिशीजित बसुमतारी

मुसि सुदेम बरगयारि ला:सो:-उत्तर रुणीखाटा जिला-चिरां, बिटिएडि, आसाम,

## बिरोंदामिन

बिरोंदामिननि लैथोयाव आं थारैनो गबहाबबाय, बेनि खायसे मुजिथाव बिजोंफोरा हनै आंखौ जेब्लाबो..... आखाइ फोलाउ फोलाउ लिंहरदोंसे।

सान-हर, फुं-बेलासि बेनिनो मायाजों साग्लोब जाबाय आं, गोसोया माब्लाबा सानोब्लाबो मेलेमा माब्लाबा बुंयोब्लाबो..... मानोबा अहाया जाबाय।

बेनिनो मुहिगोनां रंजाथिलि फोथारावसो गोसोआ रंजाबाय थानो गोसो जाबाय।

थारै बेनि मा माया ? आंनि गासै गोसो - गोरबो खर' - मेलेमफोराव..... रोदा रोदा हाबना थाजोबनाय।

रकी नाजारी बर' बाजार फरायसालिमा, चिरां

## जिलिद गाव जानाय बिखा

अखाफोर गावदांखौ गोलेर दान'बा मन'नाय हरखालि आंनि बिखानि थैयाबो सिदावदोंमोन नौनिफाइ फेनाय खौरांखौ मोत्रानै.. नौनि मिनिस्तुलनायनि गासैबो इसारायानो आंनि आंगोसेमोन जायखौ लानानैनो आं, गोदै सिमां सुजुदोंमोन !

मिजिंफोरा बायफले लानाय सानखालि नौनि नंखाय अत्रायनि फावथिनाफोरा आंखौ मिनिफेदोंमोन... जेन आं सासे मिजिं गैजायै लामानि दावबायारिसो, । नौहादि दंखायो मोनब्ला गुबुन मोजां मोननाय अब्ला आंबो गोजोमनाय नडमोन नंखाय अत्रायनि फावथिनायाव !

नों मिथिगौना जिलिद गावजानाय बिखानि बाश्रा.. ? नों सानफेरदोंना गावनाय बिखानि मोदैनि बाश्रा.. ? बिसोरनियाव सौनाने नाय नों जिलिद गावजानाय बिखा बाश्रा, मिजिं फोथेजानाय गोबोंफोरनि बाश्रा, नौहानो गोबोंआ गावगोन नौहानो मिजिंफोरा खाना नांगोन जेब्ला नों सान्नो रोंगोन जिलिद गावजानाय बिखानि गाबनाय.... ।।

आलेरा बर' लखिसि, सनितपुर

## साजा

फुंबिलिनि रुयदोब जारां सानाव फैलाव गुवार फोथाराव गेलेदोंमोन आं गिदिं गिदिं गोजोन सुदेम बार बारनायाव। लानानै दुखु गैयै जिउखौ। समनि गिदिंनायाव सानदुनि थिं थिं दुंनया जेबोला आंनि मोदोमाव नाडे अबोला आं बिफांनि साया नागिरो। गैया बे गुवार फोथाराव आंनि थाखाय साया लानो फांसे बिफां बोथोरनि बाबेन्नायाव मोनफेबाय हुम-हुम हाम-हाम गुम-ग्राम खोरमनाय आसार सावन दाननि गिखंथाव बारहुंखा अखा सारअन्थाय अबोला आं आंगोर मोना जायो। गैया आंहा बे संसाराव दान्दसे जिवायना गोजोन होनो गंसे स'नानि देरा, बेनो नामा लाइमोन समाव समखौ बेसेन होनो रोंथैनि उदाडैबे संसाराव गिदिं बायनायनि साजा

मुसि अशक नाजारी

# सुर्ज नारायण देब-अजित नारायण देबनि गोसोखांथियाव पार्कनि पस्टार बर्ड गायसन्दों

बासुगाव, 30 जुन: चिदली राज इस्टेटनि महाराजा महरै मुंदांखा मिबथिजानाय सुर्ज नारायण देब आरो जोबथा राजा अजित नारायण देबआ गेदेत ओन्सोलाव बिहोमा होनायनि थाखाय बिसोरनि गोसोखांथियाव दिने पार्कनि मुं थानाय पस्टार बर्ड गायसन्नाय जादों। चिरां जिल्लानि बासुगाव सहरनि बासुगाव नोगोर आफादिनि साखाथियाव थानाय राजा अजित नारायण देब हिन्जावसा गेजेर इंराजी फरायसालि साखाथिनि लामा खाथियाव पार्कनि मुं थानाय पस्टार बर्डखौ गायसन्नाय हाखौ सरेखाथिनायनि थांखि लायो। चिदली राज इस्टेट जारिमिन सरेखाथि आफाद आरो बिमा बैसोमुथि जौगाखां आफादिनि बान्जानायाव आरो जायगानि राइजो-राजाफोरनि हेफाजाबाव महाराजा सुर्ज नारायण देबनि गोसोखांथि रेखाथियाव पार्कनि



पस्टार बर्डखौ आजिरा मोन्नाय लेडाइ गोरानुं, जरखा समाज सिबियारि, बारग' खौरांगिरि, थुनलाइ सिबियारि अमृत नारायण पाटगिरिआ गायसडी। अमृत नारायण पाटगिरिआ राजा-महाराजा आरो जोहोलावनि गोसोखांथिखौ मुगा नाडै लाखियोब्लासो हारिनि जारिमिननि बाश्राखौ उन

जोलैआ मिबथिगोन होन्ना बिथाडा गावनि बिबुंथियाव मख'दों। राजा अजित नारायण देबनि गोसोखांथि पार्कनि मुं थानाय पस्टार बर्डखौ गायसन्नाय हाबाफारियाव गुबुन सासे जरखा समाज सिबियारि, आजिरा मोन्नाय फोरोंगिरि उपेन रायआबो बाहागो लानानै बिबुंथि लाखिदों। हाबाफारियाव

चिदली राज इस्टेट जारिमिन सरेखाथि आफादिनि आफादिगिरि प्रबिन नारायण देब आरो नेहाथारि हिरक ज्यति प्रधानी, जरखा समाज सिबियारि आरो चिरां जिल्ला इडपिपिएल दोलोनि आफादआरि नेहाथारि बिक्रमजित सिंह चौधुरीजों लोगोसे जायगानि राइजो-राजाफोरा बाहागो लाफेदों।

## रुंसारि अमरेन्द्र बरुवानि गोसोखांथि सान फालिदों

चापर, 30 जुन: आसाम साहित्य सभानि मेंनो रोडै मावफारिया-थुनलाइ सिबियारि आरो थांखि गोबां रोंगैथि गोनां 'अमर सिशुप्राण' अमरेन्द्र बरुवानि 10थि गोसोखांथि सानखौ दिने सानसेनि हाबाफारिजों खुंनया जादों। अमर शिशुप्राण मेमरियेल ट्रस्टनि बान्जानायाव आरो 1 नं. मरितुनि दानि जौगाखां हेफाजाबाव 1 नं. मरितुनि गुदि फरायसालियाव फुंनि 9:00 रिगानिफ्राय जगायजेन्ना गोसोखांथि सावराय हाबाफारिखौ लोब्बा लानानै गेजेर माजुलिनि माखासे गथ'सा-फरायसाफोरा बाहागो लाफेनायजों गथ'सानि रोंग'थि जौगाखां हाबाफारि' आयदाफारिनि गोसो बोजाथाव हाबाफारि खुंनया जादों। मेल



जागायजेन्नायावनो अमरेन्द्र बरुवानि सावगारियाव गोसोखां मान बाउबो 1 नं. मरितुनि गुदि फरायसालिनि गाहाइ फोरोंगिरि सुरेश चन्द्र बरआ। लोगोसेनो आलारि बाति फोजोडो करिवाकवा गुदि फरायसालिनि गाहाइ फोरोंगिरि आरो अमरेन्द्र बरुवानि बिबि अनुप्रभा देबिआ। सा 20 गथ'सा आरिसुगिरिफोरा दिहानाम दिन्थिनायजों जागायजेन्नाय गोसोखां सावराय

मेलआव आसाम साहित्य सभानि मिरु मावफुं सोद्रोमा भुपेन दत्त, माजुलि जिल्ला साहित्य सभानि नेहाथारि केशव काकति, रंगिरि प्रनबजित मिश्र, लोगो नेहाथारि सनज्यति तामेगाम, बिजाब सुजुगिरि गलाब चन्द्र नाथ, गामि जौगाखां आफादिनि आफादिगिरि प्रसान्त रेगन, सुरेश चन्द्र बर, जनालि नाथमोनहा जरखा आलासि महरै बाहागो लाफेनानै अमरेन्द्र बरुवानि

जिउ आरो खामानि मावनायनि सायाव दंखो मोसानाय हाबाफारिजों लोगोसेनो बिबुंथि होनाय हाबाफारि खुडे। अमर शिशुप्राण ट्रस्टनि गुबुन सासे बिबानगिरि आरो 1 नं. मरितुनि गामि जौगाखां आफादिनि नेहाथारि मनज्यति रेगनआ सामलायनायनानै थांखिलाइ बिबुंथि होनाय हाबाफारिनि उनाव गथ'सा-फरायसाफोरा भुपेन्द्र दंखो, बिष्णु राभा दंखो-मोसानाय, खन्थाइ फरायथिनाया बयनिबो गोसोखौ बोनो हादों। अमर शिशुप्राण मेमरियेल ट्रस्टनि गुबुन सासे सोद्रोमा आरो अमरेन्द्र बरुवानि देरसिन फिसाज्ला शंकुसिद्ध नाथआ सौनाय-फिन्नायखौ सामलायदों। मेलनि उनाव साफ्रोमबो बाहागो लागिरिफोरनो मान बिलाइ, लिस्त्रा मुवा-बेसाद गथायदों।



## चिराडाव आइ दैमानि दैबानायाव मासे मैदेर फिसा गोजावबोदों

चिरां, 30 जुन: रबिबाराव चिरां जिल्लामि भारत-भुटान सिमाना ओन्सोलनि बॅटल खाल्जोना बॅखननि बेन्डोडव थानाय तुक्राइरारव आइ दैमानि लोब-लोब बरायबोनाय दैयाव बिमानिफ्राय गावस्नानाई मासे ह्यग्रानि मैदेर फिसाया गोजावबोयो। तुक्राइर आइ पवालि गामिनि रइज्योफोरा आइ दैमानि बरायबोनाय दैयाव मैदेर फिसाखौ गोजावबोनाय नुनानै सिगाडव ह्यग्रा बिफाननो खौरं हरदों। मानोना दै बानाजों बिमानिफ्राय गावस्नानाई फैना मैदेर फिसाया आइ दैमानि गोखों दहारनि थाखाय नरा-नाथा नाजासेयावबो मारुनि सेरव फैनो मोनाखेमोन। उनाव खौरं मोनानै चिरां जिल्ला ह्यग्रा बिफाननि मावफारियाफोरा जाथायसालियाव नुजाथि हैनानै ओन्सोलनि सुबुंफोरनि हेफाजाबाव गोबां कर्ट कालामनानै दुरुंजों फानखरना आइ दैमानि दहारनिफ्राय ह्यग्रानि मैदेर फिसाखौ बोखानाई मारुयाव लाबोनो हादोंब्लाबो मैदेर फिसाया गोबां जोखोम जानो गोनां जायो। बोखानो हानाय मैदेर फिसानि जोखोम जानायजों दुखुनांथाव गावखरनायखौ नुनानै ओन्सोलनि रइज्योफोरा दुखु मोनो गोनां जायो। ह्यग्रा बिफाननि मावफारियाफोरा बोखानाय मैदेर फिसाखौ हाखु-दाखुयै गारियाव दैखानांनै रनिखाता फरेस्ट रेन्जयाव लानानै थाडे। ह्यग्रा बिफाननिफ्राय बिफानरि जुनात फाहामगिजों ह्यग्रानि मैदेर फिसाखौ फाहामथाय होनाय जायो आरो गायखेर दौवनायनि रहा लायो। रुनिकता फरेस्ट रेन्जनि मावख 'याव बे मैदेर फिसाखौ नायनो ओन्सोलनि रइज्योफोरा होंगो-दोंगो खालामफेदों होनानै मिबथिनो मोन्याय जायो।

(1 बिलाइनिफ्राय)

## दुधनैननि जिनाहारि आरो बुथारग्रा दुथानि न'आव गवालपारा खुंथायनि बुलडजार

जिनाहारि खालामग्रा धन आलि तालुकदारनि न'खौ गवालपारा पुलिस खुंथाया होखारखादों। पुलिस रैखाथि हान्जाजों साखा-फारा जानानै थाना खुंथाया बे होखारखानाया हाबाफारिखौ सामलायदों। न'खौ होखारखानायायनि सिगां जिनाहारि खालामग्राणि न'खरनि सुबुंफोरा जि-जोम, मुवा-बेसादफोरखौ थपसा बोन्नानै न'खौ नागरलाडे। मख 'नो गोनांदि, थानाय 3 मेयाव दुधनैयाव बैसागु नायनो फैनाय सानै उन्दै हिन्जावसाखौ बे साथाम दुथांफोरा जिनाहारि खालामदोंमोन। उन्दै हिन्जावसा सानैखौ फेग्रा मुवा जाहोनानै गंसे गारियाव दैखोना लांना हरसे बे साथाम दुथांफोरा जिनाहारि खालामदोंमोन। बेनि उनावनो उरनि सानाव न'नि लांगोनायाव सानै हिन्जावसाफोरखौ गारनानै गालांदोंमोन। जाथायनि उनावनो नख 'नि सुबुंफोरा दुधनै थानायाव गरखलाइ थिसन्यायनि थागिदायाव पुलिसआ सिगाडव धन तालुकदार मुनि सासे दुथांखौ हमदोंमोनब्लाबो गुबुन सानै दुथांआ खारग'नो हायो। नाथाय पुलिसआ गोखों नायबिजिरसन्यायनि गेजेरजों मातिया दलगमायाव बाहार आलि आरो रहमान ओन्द। मुनि सानै दुथांखौ हमनो हायो। बे दुथांफोरनि न'आ दुधनैनि थाडवारियाव होना मिबथिनो मोन्दों। मख 'नो गोनांदि, साथाम दार्यनिगिरिफोरनि गेजेरजो सासे दार्यनिगिरिआ पुलिसनि जेयाव नांयायनि उनाव गुबुन सानै दार्यनिगिरिआ खारग'नानै थानायनि उनाव माखासे सुबुंफोरा दार्यनिगिरिनि न'आव थानाय समावनो लाइमोन हान्जानि सायाव गाग्लोबनो हमो। बे गाग्लोबनायाव साथाम लाइमोनफोरा जोखोम जायो। बेनिनो हिर्मय काख्खारि मुनि लाइमोनआ गोब्राब जोखोम जानानै जिएमसिएडसआव फाहामथाय लाबाय थानाय थासारियावनो जिउ गोमानो गोनां जादोंमोन। बेनि उनावनो गासे जाथायखौ लानानै रइज्यो नाडे-नो दुंहाव थासारि सोमजिदों। जिनाहारि खालामग्रा आरो बुथारग्राखौ फासि होनो थाखाय एबसुआ गोबांखेब खुदिसारनो गोनां जादोंमोन। कक्राइर सोहोरनि बड'फा इएन ब्रह गथ 'सा पार्कयाव एबसुजों लोगोसे गोबां दोलो आफाद फसंथानफोरानो गोखोडे खुदिसारदोंमोन। जिनाहारि खालामग्रा आरो बुथारग्राखौ फासि होनायनि दाबियाव रइज्यो नाडे-नो दाब-दाब जायगायाव हान्जा सुरनाय हाबाफारिजों लोगोसे हिन्जिखानाय हाबाफारिखो सामलायदोंमोन। इयुनाय जाहाथे बेबायदि जाथाया सोमजिबावआ, बेनि थाखाय गोखों नोजोर लाखिनानै आइनिन आवथाजों जाहाथे दार्यनिगिरिआ गलानो हाया बे बिथिखौबो गोखों नोजोरजों लाखिनो थाखाय खावलायदों।

## आसाम जनजाति हारिमु महासभानि मावफुं ...

दोंसे मुजिहाबनाय देंखोजों जागायजेन्याय जायो। आसामनि गुबुन गुबुन जायगानिफ्राय फैनाय महासभानि बिबानगिरिफोर आरो सोद्रोमाफोर नुजाथिनो हानाय बे गोनांथार मेलयाव आफादगिरिनि मासिखौ सामलायो आसाम जनजाति अरिमुवारि महासभानि आफादगिरि एबा सान्थौगिरि देवेन्द्रनाथ बसुमतारिआ। महासभानि गाहाइ नेहाथारि बिपुल देउरिआ मेलनि थांखिखौ बेखेवनानै होयो। महासभानि फोसावजानाय थांखि आरो हाबाफारिफोरखौ मोजाडे मोजां आरो गाहामै सामलायलानो थाखाय साखा-फारा खालामनाय गांसे कसरा संबिजरि बे हाबाफारियावनो गुवारै सावरयलायनायनि उनाव मोनै फिसा फोसावनानै बयनिबो गनायथिनायाव कसरा संबिजरिखौ थिसन्याय जायो। महासभानि मोनसे जर'खा गेवलां मेलखौ फैगौ दाननि जोबथारनायाव खुंफुंनाय जागोन। बे बिथिडव मावफुंगिरि बसन्त सनवाल आरो सनवाल कछरि समाजनि थान्देफोरा फैगौ मेलखौ डिब्रुगडआव खुंफुंनो थाखाय गोसो जानायखौ फोरमायनानै थांखि फोरमायदोंमोन। बे मावफुंगिरिफोरा फैगौ गेवलां मेलखौ डिब्रुगडआव खुंफुंनो थाखाय गनायथि होयो आरो बे बिथिडव मोनसे बान्जाय आफाद दानो थाखाय बसन्त सनवाल आरो महासभानि लोगो आफादगिरि डू पबित्र कुमार पेगुनो बिबान होयो। मख 'नो गोनांदि, बे मावफुं मेलनि उनाव महासभाया सामलायनाय नेमखांन्थिफोरखौ मिबथिलायनि फै मुनि सावरयलाइसिनि थामथि सेबखार्थिखौ खुंफुंनाय जायो। महासभानि गाहाइ नेहाथारि बिपुल देउरिआ सामलायनाय बे सावरयलाइसियाव काछरनि बर्मन कछरिफोरनि हारिमुवारि जिउ आरो फुंखा, गुदिनि सायाव कारिगपसा दिव्यन्यति बर्मनआ बिबुंथि लाखियो। बेनि अनगायैबो आसामनि गार'फोरनि हारिमुवारि जिउ फुंखा आरो गुदिफोरनि सोमोन्दै गार साहित्य सभानि बारा' आफादगिरि सरज सांमाया गुवारै फोरमायनानै होयो। आसामनि काबिफोरनि हारिमुवारि जिउ फुंखा बायदिफोरनि सायाव काबि हारिमुवारि समाजनि आफादगिरि चन्द्र सिं क्रआ फोरमायनानै होयो। खौरं लाइसियाव जर'खा नायसंगिरि महैर महासभानि लोगो आफादगिरि डू पबित्र कुमार पेगुआ बिबुंथि लाखियो। महासभानि आफादगिरि देवेन्द्रनाथ बसुमतारिआ आफादगिरि मासियाव थानानै दैदनलानाय बे गोनांथार सावरयलायनायाव जोबथा बिबुंथि लाखियो। सावरयलायनायनि जोबथारनायाव आसाम सौरभ नादिरम देउरिनि सामलायनायाव मोनसे मुजिहाबथाव आरो समायना-समायना हारिमुवारि हाबाफारि खुंफुंनाय जायो। बे हाबाफारियाव ओन्सोलनि फावगिरिफोरजों लोगोसे महासभानि सोद्रोमा जयमति नाजरी, पबित्र कुमार पेगु, महानन्द सनवाल, सुरुज कुमार पातिरि, गलक चन्द्र ब्रह आरो मन्जुमनि कोंवरआ गाव-गावसोरनि जनजातियायि गोजाम देंखो रोजावनानै बयखौबो मुजिहाबहोयो।

## आसाम राइफल्सनि बान्जायनायाव आइजोफोरनि...

जागायजेनबाय। बेजों लोब्बा लाखिनानै रबिबार बेलासियाव आसाम राइफल्सनि लखा जोलुर गेलेग्रा फोथाराव खुंफुंनाय बे बेखेवनाय हाबाफारियाव गाहाइ आलासि महैर आसामनि रइज्यो बैगिरि गुलाब चान्द काटारियाआ बाहागो लानायखौ नुनो मोन्दों। आसाम राइफल्सआ बे गेलेनायखौ जर'खायै आइजो जोलुर गेलेनायखौ सिगांफारसे लांनो थाखाय सा-सान्जा रइज्यो नाडे-नो आइजो जोलुर गेलेनाय बादायलायनाय खुंफुंनाया बाख्नायथाव हाबाफारि होन्ना रइज्यो बैगिरिआ फोरमायदों। बे आइजो जोलुर गेलेनाय बादायलायनायाव आसाम राइफल्सजों लोगोसे अरुणाचल, मिजराम, नागालेन्ड, मनिपुरजों लोगोसे सा-सान्जा रइज्योनि गासे मोन 8 आइजो जोलुर हान्जानि गेलेगिरिफोरा बाहागो लाफेदों। मख 'नो गोनांदि, बे बादायलायनायनि जागायजेन्याय हाबाफारियाव भारतनि आइजो जोलुर हान्जानि बारा' केपेन पञ्चश्री एनाम बेमबेम देबिआ बाहागो लाफेनो हानायखौ नुनो मोन्दों। लखानि डिजिएआर जोलुर हान्जा आरो आसाम जोलुर हान्जानि गेजेराव खुंफुंनाय बे बेखेवजेन्याय हाबाफारियाव खुंफुंनाय बेखेवनाय गेलेजेन्यायाव गेलेगिरिफोरा मुजिहाबथाव गेलेनाय दिन्थिफुंनो हानायखौ नुनो मोन्दों।

# सान्तिपुर दालाइ एबसुआ नैथि मावफुं मेल हाबाफारि लादों दालाय आफादनि सिंडव फैगौ दाननिफ्राय सोलोंथाइयारि जांख्रिथाय लाबोनाय जागोन: रामाइ

सोरारंसार बाग्लारि, बड'सा थान्दे/ उदालगुरि, 30 जुन: अदालगुरि जिल्ला हरिसिगा दख'रा दुलाराइ बर' फरायसा आफादनि बॅखनाव थनाय सान्तिपुर दालाइ एबसुआ दिने बनगुरुम इरागदाव गेजेर फरायसालिनि लांगोनायाव मोनसे नैथि मावफुं मेल हाबाफारि लायो। दालाय एबसुनि आफादगिरि जोंसार बसुमतारिनि मासि लाना दैदेन्याय नैथि मावफुं मेल हाबाफारिया गिबियाव बर' हारिनि थामोन्था रैखांथि, सिनायथि आलादा राइज्यो बड'लेण्ड सोरजिनो थानायाव समाजनि जानानै बिहोमा होनाय गेदेमा मुख्लंफोरखौ मान होनाय आरो गोसो खानानै 1 मिनट आरज' गावनायनि गेजेरजों जागयो। फैगौ जुलाइ दाननि 8 अक्ट खालारनिफ्राय दालाय एबसुनि सिडव थनाय गंफ्रोमबो गामिनि उन्दै-उन्दै थाम, ब्रै, बा आरो द' थाखोआव फरायफुबाय थानाय फरायसाफोरखौ जिबा साननि थाखाय बेसेन नाडि गोलोम बोथोरनि फोरंथाय मावबादा होनाय, ओन्सोलाव सोलिबाय थानाय समाजनि जेंना जौ-जुवा ड्रगस जानाय गान्जा सोबनाय फेग्रा मुवा बाहायनायफोरखौ होबथानाय, मिरु दुलाराइ बर' फरायसा आफादनि बिथोन बायदिदै दालाइ आरो दख'रा आफादजों जथायै लोगो



नांना जोंनि गामि मावथांखिखौ बिथा खालामना बायदि हाबाफारि रन्सायनाय, ओन्सोलाव मोजां गेलेगिरि सोरजिनाय थांखिजों बेसेन नाडि फुटवलनि फोरंथाय मावबादा खुंनाय, थाखो गु, जि आरो जिनैयाव फरायबाय थानाय फरायसाफोरखौ नख'रसिम थानानै खौरं लानायजों लोगोसे दिथागिरिफोर जों सावरायनाय बायदि हाबाफारि लानो थाखाय दिनेनि नैथि मावफुं मेलआव बायदि बायदि थांखि दिखाना लानाय जादों होन्ना फोरमायो दालाय एबसुनि बोसोनगिरि रामाइ नाजरीआ। लोगोसे फैगौ दाननिफ्राय ओन्सोलाव सोलोंथायारि जांख्रिथाय लाबोनो थाखाय गोजौ थाखोनि रोंगोंथि गोनां सुबुं हांखायनानै सोलोंथाइयारि सांग्राथि मेल

लानाय जागोन होन्ना मिथिनायजों बर'नि हारिमुवारि दामजु दामनायनि फोरंनानाय मावबादाबो खुंनो थाखाय सान्याय जादों होन्ना मिबथि होबावदों नाजरीआ। हाबाफारियाव गाहाइ नेहाथारि एलबानुस नाजरी, लोगो गाहाइ आफादगिरि सुखाम बसुमतारि, लोगो गाहाइ नेहाथारि बिरजय नाजरी, नेहाथारि सोगोमसार बसुमतारी, सोलोंथाय नेहाथारि जोंसार ब्रहम, लोगो सोलोंथाइ नेहाथारि थरायना इन्ना देवरि, लेखइ बुंथिगिरि दिना देवरि, हारिमु नेहाथारि हरिस सर्गियारी, सुबुं फोनांजाव नेहाथारि रैसुमै बसुमतारि आरो दालाइ एबसुनि गोबां मावथि बिथांमोनहाबो हाबाफारियाव बाहागो लानानै जाफुंसार महर होनायखौ दिनेनि सानाव नुनो मोन्याय जादों।

(1 बिलाइनिफ्राय)

## तामुलपुराव सानै गथ'सा मावफारि बोखांदों

बान्जायनाय आरो तामुलपुर जिल्ला खुंथाइनि हेफाजाबाव मोनसे सिग्रोमनाय हाबाफारि लानानै सानै गथ 'सा लेभारफोरखौ बोखांनो मोन्दों। मख 'नो गोनांदि, बोखांनो मोन्याय सानै खामानि मावग्राफोरा हटेल आरो गेरेजआव खामानि मावोमोन। गथ 'सा लेभार सानैखौ बोखांनानै सासे गथ 'साखौ नख 'रनो गथायनायजों लोगोसे गुबुन सासेखौ बाक्सा जिल्लायाव थानाय गथ 'सा रैखाथि न'सिम दैथाय हरनाय जादों।

## चिदली काशिकत्रा हायार सेकेन्डारि फरायसालिनि ...

लिरिगिरि महैर सिनायजानाय पानीराम (देसा) देमारिआ गोब्राब लोमजानायनि उनाव दिने फुंबिलि समाव जिउ गोमायो। थैनाय समाव पानीराम देमारिआ सासे फिसाज्ला, सानै फिसाजो, अन्जालि बिसिजों लोगोसे गोबांथार बाहागि-खुरमा आरो लोगोफोरखौ बे संसारनिफ्राय नागरलाडे। सोगोंयारि जालानाय पानीराम देमारिखौ देसा देमारि होन्नानैबो मिबथिनाय जायो। सोगोंयारि पानीराम देमारिनि जोनोमआ चिरां जिल्लानि चिदली थानानि गुरुभाषा बाजारनि साहाफारसे थानाय दर'गामियाव जादोंमोन। होलाव सभ चिदली-काशिकत्रा हायार सेकेन्डारि फरायसालियाव लोगो फोरोंगिरि महैर हाबा मावबोनायनि उनाव बिथांआ बे फरायसालिनिनो गोरयुं बिबानखौबो सामलायदोंमोन आरो सोलिफु बोसोरवोनो बिथाडव आजिरा लाबायमोन। मख 'नो गोनांदि, -फोरोंगिरि हाबा मावनायनि उनावनो सोगोंयारि देमारिआ काशिकत्रा हायनारि गामियाव अरायथा महैर रइज्यो जानानै दडमोन।

## कारिजा बिजनीनि उदालगुरि सुक्रुंवारि लामाया गाजि ...

सरकारनि नोजोरव नेवसिजादों। बेनि अनगायैबो आबादजों सोनारना थानाय ओन्सोलनि आबादारिफोरा दिहुनाय आबादफोरखौ बे लामाजोंनो सानफ्रोमबो आसामनि फालांगियायि नोगोर महैर मिबथिजानाय बरपेटा रडसिम लांनो गोनां जायो। लामानि माखासे बाहागोफोरखौ बोसोर 2 सो सिगाडवनो पाक्कानि लुजादोंमोनब्लाबो लेदत बाहागोफोरखौ पाक्कानि लुफामफिनैयाव आथिखालाव बे लामाया हान्था-मेलानि बिथिंआव बांथिज जायै जानायाव ओन्सोलनि रइजो-राजाफोरा हेंथा सोमावसारनो थांखि आजावनाय फोरमायदों। बे बिथिंआव प्रमद बर' दैदेन्याय सरकारआ बे लामाखौ पाक्कानि लुफामफिनाब्ला रइजो-राजाखौ गोखोडे सुबुं खान्थिजों सोमावसारनायनि हुमखि होदों।

## दुलाराय बर'फरायसा आफादा जोंनि गुन गोनां फरायसा ...

सुबुंफोरनि बोसोनजों मानिनानै सोलिनांगौ आरो बिमा-बिफाफोरा गाव गावनि गथ'फोरखौ सोलोंथाइ लानायाव नोजोर होनांगौ नडब्ला इयुन समाव लामा आन्दायनो गोनां जायो। बेनि उनाव गाहाइ आलासि महैर बाहागो लानानै खोसेथि बर' सुबुं आफादनि आफादगिरि मनुरन्जन बसुमतारि बिथाड फरायसा आरो दिथागिरिफोरनि सायाव गुवारै सोलोंथाइ लानायाव माबायदि गोखों नाजानांगौ सासे गथ 'आ माबायदि इयुन थांखि लानांगौ बेनि सायाव मेहेर गोनां बिबुंथि लाखियो। बे मेलानो थांखि जानाय बुंथिगिरि महैर बाहागो लानानै दुलाराय बर' फरायसा आफादनि नेहाथारि बड'सा ब्रहम बिथाड बुडेदि, सासे फरायसाया मोनसे नोजोर आरो थांखि थानांगोन अब्ला सानसे गावनि मुं आरो बिमा-बिफा,समाजनि मुं लाखिनो हागोन। दुलाराय बर' फरायसा आफादा गुन गोनां फरायसाफोरखौ अरायबो मान होयो बेबादि गोबां मेहेर गोनां बिबुंथि लाखियो। आरो बे मेलानो बर'थुनलाइ आफादनि नेहाथारि सोरजिला औवारि बिथाडबो सोलोंथाइनि सायाव गुवारै बिबुंथि होयो। बे मेलानो धेमाजि जिल्ला दुलाराय बर' आइजो अन्साय आफादनि बोसोनगिरि मिरु आयजो अनसाइ आफादनि Orgation scy. फुलेस्वरि दैमारि,जनाइ जिल्ला बर' थुनलाइ आफादनि आफादगिरि दिलिप बसुमतारि, एलर्डसिइ एन्ड बिएलटिनि मासिगिरि सानसुमा बसुमतारि,आरो गुबुन गुबुन बर' माहारियायि आफादनि आफादगिरि नेहाथारि बिथांमोना बाहागो लानानै हाबाफारिखौ जाफुंसार जाहोयो।

(1 बिलाइनिफ्राय)

## गुवाहाटी मुलुग सोलोंसालियाव मार्कशिट .....

सांग्राथिजों जाथाइनि सायाव संदानानै सा 8 दायनिगिरिफोरखौ हमदों। मख 'नो गोनांदि, माखासे सान सिगां बरपेटा रडनि गणेप लाल चौधुरि फरायसालिमानि आजिजुल हक मुनि डिग्री 6 सेमिस्टारनि फरायसानि नम्बर नंखाय खालामनायनि जाथाइखौ फरायसालिमा बिफानआ हमनो मोन्दोंमोन। बरपेटा जिल्ला पुलिसआ बेनि सोमोन्दै गोनांथि होनानै आथिखालाव आसामनि गुबुन गुबुन जायगानिफ्राय सा 8 सुबुंफोरखौ हमनो हाबाय। बे जाथाइजों लोब्बा थानाय फरायसालिमा आरो मुलुग सोलोंसालिनि माखासे फोरोंगिरि-मावसुमाया लोब्बा दड होन्ना मिबथिनो मोन्याय जादों। गुवाहाटी मुलुग सोलोंसालियाव खामानि मावनाय बिहार समरिस्टपुरनि कृष्णन कृष्णमुर्ति मुनि सासे सुबुंआ मार्कशिट नंखाय सोरजिनायजों लोब्बा दड। थानाय शुक्रबारखालि हराव बरपेटा पुलिसआ धुबुरी पुलिसनि हेफाजाबआव सिग्रोमनाय हाबाफारि लानानै धुबुरी आयेन फरायसालिमानि जुनियर कम्पिउटर हेफाजाबगिरि सिबतज महातखौ हमनो हादों होन्ना मिबथि मोन्याय जादों। बरपेटा पुलिसनि दैदेन्यायाव बरपेटा रड आरो हावलि पुलिसआ संदानानै हमनाय सा 6 दायनिगिरिफोरा जाबाय- बिहार समरिस्टपुरनि कृष्णन कृष्णमुर्ति, गुवाहाटी मुलुग सोलोंसालिनि मावसुमा कल'गासिनि इस्माइल हुसेन, आलमगिरि खान, मयनुल हक, आबुल बासेन। लोगोसेनो नगायनि हामेस उद्विन, लाला फरायसालिमानि लाइब्रेरियानि आमिनुल इस्लाम, धुबुरी आयेन फरायसालिमानि शिवतस माहत, बिसोर सा 7 दायनिगिरिफोरखौ केस नं. 74/24 केस थिसनानै 468/120 बि 467/47/420 आइपिसि दफायाव हमनानै संदानबाय थानाय जादों।

## कक्राइरारव सिखावआ लानानै खारनाय 34...

मख 'नो गोनांदि, थानाय 25 जुनयाव सासे एलआइसि एजेन्टआ कास्टमारफोरनिफ्राय बुधुमनानै लाबोनाय 34 लाख रंखौ एक्सिस बॅकयाव जमा दोनो लाबोदोंमोन। गारिनिफ्राय ओंखारनानै रनि बेगखौ लाना एक्सिस बॅकसिम थांयाव थानाय समावनो मथर साइकेलयाव फैनाय सानै दुथांफोरा भेन्डरनि मावफारियानिफ्राय सिख 'नानै 34 लाख रंखो लानानै थांदोंमोन। एक्सिस बॅकनि मोखानिफ्रायनो रनि बेगखौ सिखनानै लांनाय जाथायखौ सन्देह सोमजिदोंमोन। पुलिसआ रं रोगानानै लाबैनाय गारिनि सालायगिरि आरो भेन्डरनि मावफारियाखौ सॉन्याय फिन्नायनि थाखाय हमनानै जेर खालामनायाव गोबां फोरमायथिफोरखौ मोनो हायो। दुथांफोरखौ नागिरनानै पुलिसफोरा संदान्यायखौ सामलायबाय थायो आरो जोबथारनायाव साब्रे दुथांफोरखौ हमनो हानायजों लोगोसे 20 लाख रंखौबो बोखानो हायो। कक्राइरनि लेखइ एसपि पृथिवराज राजकवाआ फोरमायनाय बायदिब्ला जाथायजों आरो गोबां सुबुंफोर लोब्बा दंबावयो, नाथाय नायबिजिरसन्यायनि खाथिराव पुलिसआ हमजानाय साब्रेनि मुंखौ फोसावायखै। आद्रा थानाय दुथांफोरखौ नागिरनानै नायबिजिरसन्याय सामलायगासिनो दड होन्ना कक्राइरनि लेखइ एसपि पृथिवराज राजकवाआ मिबथिहोदों।

## बासुगावनि 'मन कि बात' हाबाफारियाव मिरु...

दैदनगिरिफोरानो बाहागो लानो हायो। बासुगावनि नोगोर आफादनि मावख 'याव फोसावनाय दिनेनि बे 'मन कि बात' हाबाफारियाव बाहागो लानानै मिरु रइज्योआरि मन्थि ठकुरआ फोरमायनाय बायदिब्ला गाहाइ मन्थि मदिआ थानाय बोसोरैनि मावफुं समाव आइजोफोरखौ फोजोखानायनि सायाव गोनांथि होनानै खामानि मावबोदों। जायनि जाहोनाव दिनेनि सानावबो आइजोफोरनि जौगाखानायनि सायाव गोनांथि होनानै गाहाइ मन्थिआ 'नारि बन्दना' बिल संसययाव पास खालामनायनि बाथराखौ दिनेनि 'मन कि बात' हाबाफारियाव फोसावयो। आइजोजों लोगोसे खुदियाफोरनि अन्सायलु हाबाफारिनि थाखाय भारत सरकारआ बिथांखि नाजावनायफोरनि सोमोन्दै हादतनि मोनफ्रोमबो जिल्ला आरो ब्लकफोराव सरासनस्त्रा रइज्योफोरनो मिबथिहोनो थाखाय मोनसे जरखा मिरु गायसन्नाय जादों। जायफोरा बेनि सोमोन्दै खौरं मोनाखे बिसोरो खौरं लानो थाखाय बे मिरुफोरजों फोनांजाव खालामनो हागोन। रइज्योआरि बिजेपिनि आफादगिरि भबेश कलितया फैगौ उफ्रा बिसायखथिनि थाखाय बिजेपिआ आबुडे साखा-फारा जाबाय होन्ना मिबथिहोयो। माखासे सान सिगां चिरां जिल्लायाव सासे लाइमोन बिजेपिनि दैदनगिरिआ समाजयारि बिजोडव लोगोयारि दोलो इडपिपिएलनि हेंथायै बिबुंथि लाखिनायनि आन्दोयाव गुदि थाखोयाव इडपिपिएल आरो बिजेपि दोलोनि गेजेराव दावरव-दावसि सोमजिहोनायनि थांखिजों फोसावनो नाजादों नामा सोंथि सॉन्यायव कलितया आसामआव बिजेपि, एजिपि आरो इडपिपिएल दोलोनि जुथाय सरकार सोलिगासिनो दड होन्ना फोरमायनानै खुंफुंजानो गोनां उफ्रा बिसायखथियावबो सिगांनि बायदिनो सोलिनांगोन होन्ना रोखायै फोरमायथियो। फैगौ 2025 माइथायाव खुंफुंजानो गोनां बिटिसि बिसायखथियाव बिजेपि राजखांन्थियायि दावहा नांनयायि थासाहिया मारै जागोन होन्ना सोंथि सॉन्यायव रइज्योआरि बिजेपिनि आफादगिरिआ सम फैब्ला गासैखोबो फोरमायगोन होन्ना मिबथिहोयो।

## मन्थि पियुष हाज रिंकाआ गलाघाटआव दै ...

गायसन्नाय जायो। बेनि जाहोनाव बे जायगायाव खुरखानाया होबथाजानानै गेदेरथार बाहागोयाव आबादनि हाफोरा रैखाथि मोन्दों। बे सानैबो मन्थिआ बे जायगाखौ नायगिदि हैनानै ओन्सोलनि रइज्योफोरजों गुवारै सावरयलायो। उनाव सानैबो मन्थिआ गिबि मन्थिनि पाक्का लामा लुफुंनाय बिथांखिनि सिडव थानाय सिंपुरा लामा, लनपुरियाआव एसएइस-32 लनपुरियानिफ्राय 2 नं सिंपुरा फोनांजाव लामा आरो माथावरिखौ बेखेवनानै होयो। लनपुरियाआव मन्थि हाज रिंकायाआ मोनसे मेलयाव ओन्सोलनि रइज्योफोरनि सिगाडव डू हिमन्त बिस्व शर्मानि दैदेन्यायाव रइज्यो सरकारनि सिडव थानाय इंसिडरि दाथायजों लोगोसे सोरबिथिडरि जौगाखानायनि थाखाय मावबाय थानाय खामानिफोरनि सोमोन्दै गुवारै फोरमायथियो। गावनि बिबुंथियाव मन्थिआ फोरमायबावनाय बायदिब्ला, दैमानि माथावरियाव पाक्कालि लामा बानायनायनि गेजेरजों माथावरियाल' रैखाथि जायाखै। दैमा फारनेनि रइज्योफोरा थांलाय-फैलाय खालामनायाव गोबां हेफाजाब मोनगोन।

## चिदली बियाबनि उफ्रा बिसायख 'थिखौ ...

थानाय बियाबआव उफ्रा बिसायख 'थिखौ लानानै दिने आसाम गन'पिरिषद दोलोआ मोनसे सावरय मेल खुंफुंदों। बियाबनि बॅखनाव थानाय बासुगाव सोहोरनि मिलन संघआव खुंफुंनाय मेलयाव गुबुन गुबुन बिथिंखौ सावरयलायनानै मोनसे मावफुं आफाद दानाय जायो। चिदली चिरां बिधान परिषदनि आफादगिरि करेन्ड चन्द्र दासखौ गाहाइ हांखायगिरि, पियुष बर्मन आरो अनिरुद्ध बर्मनखौ सोद्रोमा महैर लानानै आफादखौ दानाय जायो। मख 'नो गोनांदि, बे मेलयाव अगप दोलोनि मिरु लोगो आफादगिरि कर्न महनराय, नेहाथारि एबा बाराग' एमएलए भुपेन राय, मिरु फसंथानारि नेहाथारि नब कुमार कलितया नुजाथिनानै हान्जाखौ गोहो-गोरा खालामनायाव नांगो जानाय बायदि बिथिंफोरनि सोमोन्दै बोसोन होयो। बेनि अनगायैबो ओन्सोलनि गुबुन गुबुन थाखोनि मावफारियाफोरबो नुजाथिनो हायो।

## भारत-भुटान सिमनायव जौजों बुंफबनाय....

भुटाननिफ्राय भुटाननि जौनि फालांगि खालामनायाव मुखुब जानानै दड। भारत-भुटान सिमनानि ससिपुयव 64 एसएसबिनि टि कम्पानिनि इन्स्पेक्टर एन केश सिनि दैदेन्यायाव मोनसे स्रोद सुलुंखौ उनसंनानै गासे 216 भुटाननि जौजों लोगोसे गासे 19 कार्टुन भुटाननि जौजों बुंफबनाय एएस 01 बि एफ 8738 नम्बरनि साखा खबत्रै गंसे गारिखौ हमनो हायो। उनाव हमनो हानाय जौजों बुंफबनाय गारिजों लोगोसे जौ फालांगिरी फुंखा नाजरीखौ तामुलपुर पुलिस बिफाननो गथायो। तामुलपुर जौ हमग्रा बिफाननि लोगो नायसंगिरि सयत्यजित सिन्हाया फोरमायनाय बायदिब्ला साखा खबत्रै गारिजों भुटाननिफ्राय जौजों लोगोसे तामुलपुर जिल्ला सदराव लाबोबाय थानाय थासारियावनो एसएसबिआ जौजों लोगोसे गारिखौ हमनो हायो।

## सालवारि एलेडामारि, सुनवारि बेकि दैसानि गिखंथाव हा खुरखानाया सोलिगासिनो दड

थासारि सोमजिहोदों। मख 'नो गोनांदि, दानसेसो नाडै अखा हाबाय थानायनि गेजेराव गिखंथाव थासारि सिमनानि सा बाहागोजों बेकि दैसाया बोहेगासिनो दड। बेकि दैसानि उंसिफावनाय ओन्सोलनाडे गिखंथाव थासारि सोमजिहोदों। मख 'नो गोनांदि, सुनवारि आरो एलेडामारि ओन्सोलाव बेकि दैसाया गिखंथाव हा खुरखानाय सोमजिनायाव रइजो-राजाफोरनि हा सम्पतिआ गोबां खहा जादों। ओन्सोलाव बेकि दैसानि हा खुरखानायखौ सामलायनो थाखाय सरकारनि दै सम्पद बिफाननि गेजेरजों थानाय बोसोरव जिअ' बेगाजों बान्दो लुदोंमोनब्लाबो आथिखालाव जिअ' बेगनि बान्दोआ खुरखानो लादों। खौरं रइज्योनाय समाव सुनवारि, एलेडामारि ओन्सोलाव गोखोडे बेकि दैसानि हा खुरखानाय सोमजिगासिनो दड। बेकिनि हा खुरखानायखौ सामलायनायनि बिथिडव सरकारि बिफानआ गोखौनि रहा आजावनो सुनवारि आरो एलेडामारि ओन्सोलनि रइजो-राजाफोरा दाबि दैखदों।



## बिग बस अटिटि 3 विकेन्डनि जुजिलायनायाव अनिल कापुरआ कन्टेस्टेन्टफोरनो आइना देखायदों

बिग बस अटिटि 3 नि गिबि विकेन्डनि जुजिलायनाया एपिसदआव स्व'नि हस्ट अनिल कापुरखौ बयबो कन्टेस्टेन्टखौ जोबोद रायनाय नुनो मोन्दों। बिग बसनि न'आव जाबाय थायाय गोबां जेना आरो जेबो बाश्रा गैये अहं दिन्थिनायनि सायाव फावखुंगुर अनिल कापुरआ कन्टेस्टेन्टखौ जोबोद रायदों। एपिसदनि जागायनायाव फावखुंगुरखौ बयखौबो बाख्नायनाय नुनो मोन्दोंमोन, बेनि उनाव बयबो सानगोमोयोमोन। बेयफारसेथिं जेब्ला बियो बुडोमोनदि, माखासे सुबुंफोरा स्व'आव खालि दुंहाव थासारिल' खालामनो फेयो अब्ला माखासेफोरा गावनि थाखाय



नडा नाथाय गावनि फल'आसनि थाखाय ट्रफि देरहानो नागिरो, जायनि उनाव बयनिबो महरनि गावआ सोलायो। बिग बस अटिटि 3 नि गिबि विकेन्डनि जुजिलायनायाव अनिल कापुरखौ बै समाव बयनिखुड

बांसिन रगायाव नुनो मोन्दों, जेब्ला बियो लबकेश कटारिया आरो विशाल पान्डेजों बाश्रा सावरायनायखौ नुनो मोन्दों। एल्विश यादभनि लोगोआ करफ्ट इडुटुबार मुंजों मुंदांखा जानाय लबकेशखौ चेलेन्स खालामनाय नुनो मोन्दोंदि, जुदि दम दड अब्ला एल्विश गैया

लासै आर्मिनि सापर्टजों बिग बस अटिटि 3नि ट्रफिखौ देरहानानै देखायदों। बेयो गासिबो मा। एल्विश यादभनि रावबो अन्साइगिरिफोरा नौनो भट होनाय नडा। शिबानि कुमारिनिफ्राय लानानै विशाल पान्डेसिम अनिल कापुरआ कन्टेस्टेन्टनि आखुफोराव बाश्रा

सावरायनायनि गेजेरजों गोबां सोंखारिदों। बिथाडा बुंदोंदि, नौथानि रिएक्शनखौ नायनानै बिब्बि मोन्दों जेरे नों गिबि सिजनखौ नायनानै फेदों। सना मकबुल आरो शिबानि कुमारिखौबो जोबोद रायनाय नुनो मोन्दों। गुबुन फारसेथिं पलमि दासखौ सापर्ट खालामनाय नुनो मोन्दों। लबआ बुंदोंदि, बिथानि थाखाय स्व'आ नडा नाथाय बेनि लोगो-फं बायफोरासो गावनि थाखाय इमपर्टेन्ट। अनिल कापुरनि स्व'निफ्राय बिदाय लानायनि उनाव लबकेश कटारियायनि बे बाश्रायाव आरमानआबो बुंदोंदि, बिथानि बेगआ पेक खालामनाय दोनबाय, जाय सानाव थानो थिनो स्व'निफ्राय थांगोन।

## अभिजित भट्टाचार्य देंखोगिरिया मिउजिक इन्डास्ट्रिनि माखासे बाश्राफोर फोरमायदों

माखासे 90थि जौथाइनि 'मैं कोइ ऐसा गीत गाऊं, मेला दिलों का' आरो 'तुम्हे जो मैंने देखा' बायदि देंखोफोराव गावनि राव होखानाय देंखोगिरि अभिजित भट्टाचार्यनि देंखोखौ अन्साइगिरिफोरा दासिमबो अन्सायो। बिथाडा गावनि केरियारआव आमिर खान, सलमान खान आरो शाहरुख खानजों लोगोसे माखासे गिदिर स्टार्सफोरजोंबो खामानि मावखांबाय। आथिखालाव गोबाव समनिफ्रायनो बिथाडा बलिउडनि मोनसेबो देंखोयाव गावनि राव होयाखै। आथिखालाव बिथाडा मोनसे इन्टरभिउआव थानाय माखासे बोसोराव सावथुनफोराव देंखो रोजाबनायनि मोजां खाबु मोनैयाव जिंगा सिनायखौ फोरमायदों। लोगोसेनो मिउजिक इन्डास्ट्रीखौ लानानै गुबुन माखासे बाश्राबो फोरमायदों। अभिजित भट्टाचार्यनि देंखोया माखासे समाव चार्टबास्टारआव टपआव थायोमोन। बिथानि माखासे देंखोफोरावबो एवार्डबो मोनखांबाय। दाबावैसो बिथाडा पिंकविलाजों लोगोसे सावरायलायनायाव थानाय माखासे बोसोराव देंखो रोजाबनि सायाव सावरायदों।



जेब्ला देंखोगिरिनाव सौलु सौनाय जादोंदि, मा नौथांआ माब्लाबा बेबायदि सावरायजानायखौ सहायनादों नामा, जेराव नौथाड आफमान जानायखौ हमदादों, नाथाय थुंगुंगो मोन्दों। बेनि फिनायाव देंखोगिरिया मिउजिक इन्डास्ट्रिनि पलिटिक्सनि मैहुर जानायनि बाश्राखौ गोसोखादों। बिथाडा शेयार खालामदोंदि, आंजों गोबां जादों, जेराव जायोमोनदि, म्युजिक डायरेक्टरआ जेरेनो हमदादोंदि, शाहरुख खाननि पिकचार मोन्दों, जेसेबांखि आंगोआनो जाया मानो बे म्युजिक डायरेक्टरआ बिब्बि हमदादों हायोमोनदि, बिनि सान्नायावनो देंखायोमोन जे अभिजितखौ रोजाबहोया होनाय। बेनि उनाव देंखोगिरिया गावनि पइन्टखौ मोजाडै एक्सप्लेन खालामनानै बुंखावोदि, जेब्ला आं 'यस बस' सावथुनाव गावनि देंखोनि थाखाय एवार्ड देरहादोंमोन,

अब्ला बर्डर, परदेश आरो दिल तो पागल है बायदि सावथुनफोरनि गासिबो ब्लकबास्टार ट्रेकआव आनि देंखोआल' खालि नन-ब्लकबास्टार देंखोमोन।

## पुष्पा सावथुननि फावखुंगुरआ 'कल्कि 2898 एडि' सावथुननि सायाव रिएक्शन होदों



नाग अश्विननि दिहुनायाव बानायजानाय प्रभास, दिपिका पादुकण आरो अमिताभ बच्चन स्टारनि सावथुन 'कल्कि 2898 एडि' आ रिलिज जानायनि सान्नायसो उनावनो मोजां आरजिथाइजों बक्स अफिसआव दुंहाव थासारि खालामदों। क्रिटिक्सजों लोगोसे बे सावथुनाबो नायगिरिफोरनिफ्राय जोबोद मोजां रिस्पन्स मोनगासिनो दड। 'बेल' नडा, बे सावथुना 2024 माइथायनि ब्लकबास्टार सावथुनाबो बाहागो लानो हाबाय। साधारण सुबुंजों लोगोसे बलिउड आरो साउथ स्टारफोराबो सावथुन आरो बेयाव नुजाथिनाय स्टारफोरखौबो बाख्नायगासिनो दड। थानाय सानाव मेगास्टार रजिनिकान्तआ सावथुन नायनायनि उनाव गावनि रिब्यु होदोंमोन। बेनि उनाव आल्लु अर्जुनआबो कल्कि सावथुननि सायाव गावनि रिएक्शन होदों। प्रभास स्टारनि सावथुन कल्किखौ नायनायनि उनाव 'पुष्पा' सावथुननि फावखुंगुर आल्लु अर्जुनआ गावखौबो बे सावथुननि सायाव बाख्नायनायखौ हमथानो हायाखै बिथाडा सशेल मिडियाआव सावथुन आरो बेनि स्टार कास्टखौ लानानै मोनसे गोलाव नट लिरदों। बेवहाय बिथाडा अमिताभ बच्चनजों लोगोसे बयखौबो जोबोद बाख्नायदों। अल्लुआ पस्ट शेयार खालामनानै लिरदोंदि, 'कल्कि 2898 एडि सावथुनआ जोबोद मोजां सिन जादों, साबायखर। बे सावथुनखौ मोजां जाफुंसार होनायनि थाखाय गावनि अनसुला लोगो प्रभास आरो अमिताभ बच्चनखौबो बाख्नायदों। गासिबो फावगिरिफोर आरो टीमनि सुबुंफोरखौ साबायख 'र' आरो सिनेमेटोग्राफि, आर्ट कस्टुम, एडिटि आरो मेकआप आर्टिसफोरनिसिमबो साबायखर। बेनि उनाव बिथाडा डायरेक्टरखौबो बाख्नायदों। 27 जुनआव सिनेमाहलफोराव रिलिज जानाय बे सावथुना दासिमबो बक्स अफिसआव 200 कौटि रनि बांसिन बिजनेस खालामबाय। गावनि अपेनि डेआव सावथुना 95 कौटि रनि बांसिन रं आरजिदों। नैथि सानाव बे सावथुना 97 आरो थामथि सानाव 57 कौटि रनि बांसिन बिजनेस खालामनो हादों।

## भारतीय हान्जानि देरहानायाव माखासे बलिउडनि सेलेब्रिटीफोरबो साबायख 'र' बाउहरदों

भारत आरो खोला आफ्रिकानि गेजेराव 29 जुनआव जानाय टी-20 वर्ल्ड कापनि बादायलायनायाव भारतनि खोला आफ्रिकाखौ 7 रनजों फेजेननानै जारिमिन थिसनो हादों आरो 17 बोसोरनि उनाव टी-20 नि ट्रफिखौ हादतनि मुं खालामदों। भारतीय हान्जानि मोजाडै दिन्थिफु'नायजों देरहानायनि उनाव गोबां हास्थायगिरिफोरा गाव-गावसोरनि स्टायलजों रेंजादों। सरासनखा सुबुंफोरजों लोगोसे बलिउडनि स्टारफोराबो भारतीय हान्जानि देरहानायाव रंजानो हमो आरो बिसोरो सशेल मिडियाआव पस्ट शेयार खालामनानै साबायखर बाउहरदों। बेनि फारिलाइआव सलमान खान, आतिया चेट्टिनिफ्राय लानानै आलिया भाट्ट आरो माखासे



सेलेब्रिटीफोराबो दंफायो। सलमान खानआ थानाय मोनायाव गावनि सशेल मिडिया हेन्डेलआव भारतीय टीमखौ साबायखर बाउहरदों। बिथाडा इनस्टाग्राम आरो एक्सआव मोनसे पस्ट शेयार खालामदों, जेराव बिथाडा सेम्पियननि मोनसे सावगारिबो शेयार खालामदों आरो केप्सनाव लिरदोंदि, साबायखर भारतीय हान्जा। बेनिनो 'चन्दु चैम्पियन'

सावथुननि फावखुंगुर कार्तिक आर्यानआबो सशेल मिडिया हेन्डेलआव भारतीय हान्जानि मोनसे पस्ट शेयार खालामदों। भारतीय हान्जानि बे जारिमिनारि देरहानायनि उनाव आलिया भाट्टआबो खुशिजों रंजाखादों आरो बिथाडा सशेल मिडियाआव गावनि बे खुशिखौ शेयार खालामदों। फावखुंगुरिया हान्जानि सावगारि शेयार खालामना लिरदोंदि, जों

देरहाबाय। रणभिर सिंआबो गावनि सशेल मिडिया हेन्डेल स्टारियाव हान्जानि देरहानायनि उनाव माखासे पस्ट खालामदों। गिबि पस्टआव बियो देरहानायखौ सेलेब्रेट खालामनाय नुनो मोन्दों। नैथि पस्टआव फावखुंगुरआ हार्दिक पान्डेयाखौ बाख्नायदों। बेनि उनाव बिथाडा मोनसे गोलाव नट लिरदों, जेराव बिथाडा भिराट कहली, अक्षर पाटेल, जसप्रित बुमराह, आर्शीप सिंजों लोगोसे

माखासे गेलेगिरिफोरनि थाखायबो नट लिरदों।

## बक्स अफिसआव 'चाणक्य' सावथुना मोजाडै जाफुंसारनो हायैखौ लानानै निरज पान्डेया माखासे बाश्रा फोरमायदों

फावखुंगुर अजय देवगन आरो फिल्ममेकार निरज पान्डेया गोबाव समनिफ्रायनो जयै खामानि मावनो सान्दोंमोन। बे सान्नाया जाफुंसारनो हागौ 'औरों में कहां दम था' सावथुननिफ्राय। सावथुनाव तब्यु आरो अजयनि ज'राखौ नुनो मोनगोन। बे सावथुनखौ लानानै निरजआ माखासे बाश्रा सावरायदों आरो बुंदोंदि, माखासे जाहोननि थाखाय बे सावथुमा सोलियाखैमोन। आथिखालाव जों बेखौ हल्डआव दोन्थ'दों। आं सानोदि, गोबाव समनिफ्रायनो जोंहा मोनसे गिल्ट दडमोनदि, मोनसे प्रजेक्टआव जों गावनि गोबां

## माहाम देहानि राहा

## माखासे ड्राइ फ्रुटसफोरा देहायाव नुजाथिनाय भिटांमिन भि-12 नि आंखालखौ सुफुंनो हायो

भिटांमिन भि-12 आ मोनसे औरैबायदि गोनांथार निउटेन, जाय देहायाव गोबां बिफाव लायो। बेखौ कबालामाइन होनाबो बुडे। बेयो दैआव गलायफाग्रा भिटांमिन, जायखौ सुबुंफोरा एनांजि भिटांमिन होनाबो बुडे। बिथानि भि-12 आ गोजा थैसेरेफनि जिबखि आरो डिएनए दानायावबो मदद होयो। लोगोसेनो जरा-जरा नि म्युकचा आरो बिगुरनि जिबखिफोरखौ मोजाडै लाखियो, फलेटनि मेटाबलिजिमआव मदद होयो, फेट एबा मेजेम, प्रटिन आरो कार्बहाइड्रेट दानायावबो हेफाजाव खालामो। फारसेथिं बे भिटांमिनआ सेरटनिन बानायनायाव मदद होयो, जायनि जाहोनाव बेयो इनांजि बुस खालामनायजों लोगोसे मुडआवबो साबसांनय लाबोयो। बेनि अनगायै भिटांमिन भि-12 आ बिखाखौ गाहामै लाखिनायावबो मख'जाथाव बिफाव लायो। बुंनो थाडेब्ला देहा-सोलैरेआव भिटांमिन भि-12 नि आंखाल जायोब्ला गोबां रोखोमनि जेनाफोरा नुजानो हागौ, जेरे-मैनाय, माउट आल्सार, बाउगोमानाय, मुड सुइं, गिखांनय एबा समखिनाय, बिगुरआ गोमो जानाय, खरनि खानाय गनाय



बायदि बायदि। बेफोर लैक्षोन एबा जेनाफोरनिफ्राय रैखाथि मोन्नो थाखाय देहायाव भिटांमिन भि-12 नि आंखालखौ सुफुंनो जानाय आदारआव एबा डाइटआव बे भिटांमिनखौ थोजासे बिबानि आजावनाया गोनांथार। बेनि थाखाय ड्राइ फ्रुटफोरखौ जानाय आदारआव आजावनो हायो। माखासे ड्राइ फ्रुटसफोरा भिटांमिन भि-12 जों आबुं आरो बेयाव आइरन, पटसियाम, भिटांमिन सि, मेगेनेसियम, कैल्सियम, फसफरास बायदिफोरखौबो मोन्नाय जायो। बेनिखायनो भिटांमिन भि-12 खौ मोन्नो थाखाय सानफ्रोमबो रटिनआव ड्राइ फ्रुटसफोरखौ आजावनाया मुलाम्फा गोनां। बेनि थाखाय बादामआ मोनसे बिदिन्थि। नेमखान्थि बायदिदयै बादामखौ जायोब्ला बेड कलेस्ट्रलखौ बाडाइ खालामनानै गुड कलेस्ट्रलनि बिबांखौ बांहोनो हायो। पिस्टआव भिटांमिन भि-12, भिटांमिन भि-6, हेल्डि फेट, फाइभार, प्रटिन, अमेगा 3 आरो एन्टि अक्सिडेन्टनि

बिबांखौ आबुडे मोन्नाय जायो। बेफोरो मेगनिन थाखायबो बान्जायजाथाव। लोगोसेनो सेरटनिन आरो मेलाटनिन बायदि हरमनफोरखौ सोमजिखांहोनायावबो मदद होयो, जायजों सुबुंफोरा मोजां रोखोमै उन्दुनो हायो। ब्रेन्ड हेल्थनि थाखाय मख'जाथाव अखरटआवबो भिटांमिन भि-12 खौ आबुडे मोन्नाय जायो आरो बेयाव अमेगा 3 खौबो मोनो। बेयो ब्रेन्ड हेल्थजों लोगोसे ब्लाड प्रेसारखौबो कन्ट्रल खालामना लाखियो, केन्सारनि खैफोदखौ खम खालामो, बेड कलेस्ट्रलखौ खम खालामो आरो स्कीन हेल्थनि थाखाय बेयो मुलाम्फा गोनां। काजु बादामखौ नेमखान्थि बायदिदयै जायोब्ला भिटांमिन भि-12 खौ मोन्नो हायो आरो एसिडिटिनि जेनाखौ होबथानो हायो। गाइखेरजों लोगोसे खाजुखौ जायोब्ला ब्लाड प्रेसारआबो कन्ट्रलआव थायो। बेयो बिखायनि थाखायबो जोबोद मुलाम्फा गोनां।

## 'कल्कि 2898 एडि' सावथुननि सायाव साउथनि सुपार स्टार रज'निकान्तनि रिएक्सन फेदों

अमिताभ बच्चन आरो प्रभास बायदि मुंदांखा फावगिरिफोरजों समयनाय 'कल्कि 2898 एडि' सावथुना 2024 माइथायनि ब्लकबास्टार सावथुन जाना नुजाथिबाय। बे बोसोरनि जागायनायाव गोबां सावथुनफोरा रिलिज जादों, नाथाय कल्कि बायदि अपेनि रावनाबो जायाखै। सावथुना खालि बक्स अफिसआवल' जायगा लायाखै, नाथाय नायगिरिफोरनि गोसोआव जायगा बानायनो हादों। क्रिटिक्सनि गेजेरजों मोन्नो हनाय पजिटिभ रिब्युनि उनाव



बलिउड आरो साउथनि स्टार्सआबो 'कल्कि 2898 एडि' सावथुनखौ बाख्नायगासिनो दड। दाबावैसो बे सावथुननि सायाव सुपारस्टार रजिनिकान्तनिबो रिएक्शनआ सोराडव फेदों। नाग अश्विननि दिहुनायाव बानायजानाय 'कल्कि 2898 एडि' सावथुना रजिनिकान्तनि गोसोखौबो बोनो हादों। बिथाडा बे सावथुनखौ जोबोद मोजां मोन्दों। 'बेल' नडा

फावखुंगुर कल्कि सावथुननि गुबुन पार्ट-2 खौबो गोसो गुडुडै नेनानै दड। एक्सआव लिरदोंदि, 'कल्किखौ नायबाय.. वाह मा इसे मोजां सावथुन। दिहुनगिरि नाग अश्विनआ भारतयायि सिनेमाखौ मोनसे आलादा जायगायाव सौहैहोबाय'। रजिनिकान्तआ आरोबाव टिमखौ टेग खालामनानै लिरदोंदि, आनि अनजाथाव लोगो अश्विननि दत, अमिताभ बच्चन, प्रभास,

कमल हासन दिपिका पादुकण गासैबो कल्कि सावथुननि टिमखौ जोबोद साबायख'र'। पार्ट-2 खौ गोसो गुदुंये नेनानै थागोन। इशोरा अनसायथों। कल्कि सावथुना गिबि सानाव 95 कौटिनिफ्राय जागायदोंमोन। नैथि सानआव आरजिथाया 60 कौटिनि खाथियाव दडमोन। नख'रारि बक्स अफिसआव सान्नायमनि गेजेराव कल्कि सावथुना 200 कौटिनि बांसिन रं आरजिदों। 'बेल' नडा सावथुननि वर्ल्डवाइड बिजनेसआ सानब्रैसोयाव 300 कौटिनि बारनाय जादों। शनिबारआव मोजां आरजिनानायनि उनाव आसा खालामबावदोंदि, रबिबारआव बिजनेसआ आरोबाव बांसिन जानो हागौ।



सम होयो आरो बै प्रजेक्टआ जानायनि लामायाव गैया, अब्ला बे सावथुनखौ बानायफिनाया साबसिन। बेनि गेजेरजों सावरायनाया जागायो। फावगिरिफोरखौ खोनासंहोयो आरो बेनिफ्राय सावथुना जागायो। थानाय 2-3 बोसोराव मोनसे जाथाय सोलिगासिनो दडमोन, जेराव जों बेबायदि

सल'खौ नुफेराखै। बे सल'आ कलकातायाव आनि देरफुनाय समनि गेजेरनि जाथायमोन। आं बेनि क्रेडिटखौ आनि जोनोम जायगा आरो बे समनि जाथाइनो होगोन। जेब्ला मोनसे जाथाया जादोंमोन आरो गोबाव समसिम आंजों थादों। आं माब्लाबानो सानाखैमोनदि, बियो माब्लाबा सल'आव सोलायगोन एबा

सानसे बेनि सायाव स्क्रिप्ट लिरगोन। जाथायनि सायाव मिबथिहोनो हानाय नडा, नडब्ला सावथुननि मुजिनांगोया गाचि जागोन। सावथुननि आयदाखौ लानानै जेहा फोथायनाय थायो, बेनिखायनो जों बेखौ बानायो। बेनि उनाव सावथुना मा जागोन बेखौ शवबो मिबथिया। जुदि सावथुनखौ जागायनायनि समनिफ्रायनो बक्स अफिसनि सोमोदेंसानोब्ला बेयो जोबोद गाचि जागोन। बे सानाया नौथांमोनखौ फोथाय जाथावै गावनि सल'जों आवगायलानांगोन। गोबां खेब जों गोरलैयै इन्डास्ट्रीआव जेना थायो। नाथाय जेनालासेआवगायनाया आनि थाखाय गोनांथि।



## आमेरिकाया इजराइल-हमास दावहा सोलिबाय थानायनि गेजेरावनो लेबाननखौ गोख्रों सांग्रांथि होदों

वाशिंगटन, 30 जून: आमेरिका, इउरप, मिश्र आरु काठारआ लेबानननि हाथियार लाग्रा आफाद हिजबुल्लानो इजराइलआव गाग्लोबनायखौ नागारिनि गोख्रों सांग्रांथि होनानै बिब्दि खालामना बिसोरो आरब बाहागोआव दावहाखौ बांहोरो नाजागासिनो होनानै बुडे। थानाय 2023 नि 8 अक्टबरनिफ्राय सोलिगासिनो थानाय हिजबुल्ला आरु इजराइलनि फिनजाथाय होनायनि उनाव इजराइल सान्धिआ लेबाननआव गिदिर नायबिजिरनायनि थियारि खालामदों। बेनि गेजेरजों सिमनायाव सान्धिफोरा थुबुर जाहैगासिनो। हिजबुल्लाआ इराननि मदद मोन्नाय शिया मुस्लिमफोरनि हाथियार लाग्रा आफाद। बेयाव 50 रोजानि



बांसिन दावहारफोर दड आरु मिसाइलफोरनि अनगायै गोबां खेदो बुधुमनानै दोन्नाय दड होन्नानै बुनाय जादों। लेबाननआव सांग्रां जानानै थानाय बे आफादआ बैयावनि खुंथायावबो बाहागो दड। बे आफादखौ बै बाहागोआव

हमासनिबो देरसिन आरु गोख्रों हाथियार लाग्रा आफाद होन्नानै गनायनाय जायो। बेनिखायनो गिदिर दावहा जागोन आसाजों आमेरिका आरु इउरपआ हिजबुल्लाखौ दावहानि थाखाय सांग्रां खालामदों। लोगोसे बुंदोंदि, इजराइलनि सायाव

हिजबुल्लानि गाग्लोबनाया सोलिलाबाय थायोब्ला लेबाननआव इजराइलनि गाग्लोबनायखौ होबथानो हानाया गोब्राब जागोन। मख'जाथावदि, इजराइल सरकारआ लेबाननआव गाग्लोबनायनि यजना थियारि

## अख्रामा दावबायारि सुनिता आरु बुच विल्मारआ अख्रामा स्टेशनआव गोबावसिन थानांसिगोन

वाशिंगटन, 30 जून: बईनि स्टारलाइन स्पेसक्राफ्टजों अख्रामा स्टेशनसिम सौहैरो हानाय भारतयारि फोलेरनि सुनिता उड्लियाम्सआ बैयावनो गोबाव समसिम थाहैनांनो हागौ। गिबियाव थि खालामनाय बायदिव्ला बे मिशनआ माखासे साननि थाखायल'मोन। नाथाय नासानि कमाशियेल कू प्रग्राम मेनेजार स्टीभ स्टिचआ बुडेदि, आमेरिकन अख्रामा एजेन्सि स्टारलाइन मिशननि समखौ 45 साननिफ्राय बारायना 90 सान खालामनायनि सायाव सावरयनाय जादों। अदेबानि बेनि



थि अक्टखौ फोरमायथिनाय जायाखै। आमेरिकन अख्रामा एजेन्सि आरु बईनि बिबानगिरिफोरा नासानि अख्रामा दावबायारि सुनिता उड्लियाम्स आरु बुच विल्मार बिथांमोनहा इन्टरनेशनल स्पेस स्टेशन (आइएसएस) आव

गोबावसिन थानांसिगोन बाश्राखौ नेवसिगारदों। बिथाड बुंदोंदि, आथिखालाव अख्रामा दावबायारिफोरा न'आव फैफिन्तो हांखुर जायाखै। माखासे रिपर्टफोराव दाबि दैखानाय जादोंदि, सोलिफु दाननि जागायजेन्नायाव बई

स्टारलाइन स्पेस क्रफ्टआव गिदिंखनग्रा लेबआव दैथाइहरनाया अख्रामा दावबायारिया सन्देह' गोनो हिलियाम रिसभनि उनाव बैयाव राहा गोथेनानै थादों। नासा आरु बईनि बिबानगिरिफोरा बुडेदि, बिथांमोनहा बुहुमआव गिदिंबोफिन्नायनि सिगां आरु बांसिनै मिबथिनो थाखाय समखौ बाहायगासिनो। स्टेशनआ थाथ'नाय आरु बिसोरो न' फारसे फैनो थियारि जाजासिम गाहामै थानायखौ रोखा खालामनायनि थाखाय मोजां जायाग।

## नाइजेरियाआव आरोबाव खेबसे सुइसाइड बमजों गाग्लोबनायाव सा 18 सुबुंनि जिउ गोमादों, सा 42 जोखोम

नाइजेरिया, 30 जून: नाइजेरियाआव फिन खेबसेबाव सुइसाइड बमजों गाग्लोबनाय जाथाया सोराडव फेदों। सा-सान्जा नाइजेरियाआव जानाय मोनसेनि उनाव मोनसे सुइसाइड बमजों गाग्लोबनायफोराव बाडयैब्लाबो सा 18 सुबुंफोरनि जिउ गोमायो आरु सा 19 आ गोब्राबै जोखोम जायो। बे जाथायनि खौरांखो इमार्जेन्सि सिबितायफोरा शनिबारखालि होयो। पुलिस बुंथिगिरिनि बादिव्ला, ग्वजा सहयाव जानाय मोन 3 बेरफुनाय जाथायफोरनि गेजेराव मोनसेयाव सासे आइजो गाग्लोबनाया गावनि पीठआव सासे गथ'खौ खानानै मोनसे जुलिनि हाबाफारिनि गेजेराव



बेरफुहोयो। बिबानगिरिफोरा फोरमायनाय बादिव्ला, केमरुननि सिमनायाव थानाय सहरान जानाय गुबुन गाग्लोबनायफोराव गंसे देहा फाहामसालि आरु सिगाडव

जानाय जुलिनि हाबाफारिआव जानाय बेरफुनाय जाथायजों भुगिनांनयफोरखौ जोबथा बिदाइ होनायखौ नोजेर होदों। बर्न राइज्यो इमार्जेन्सि सामलायग्रा एजेन्सिन

बादिव्ला, गाग्लोबनायफोराव बाडयैब्लाबो सा 18 सुबुंफोर जिउ गोमायो आरु सा 42 गुबुनफोरा जोखोम जायो। एजेन्सिनि गाहाइ बरकिन्ड सेदुआ एएडपिनि गेजेरजों दिन्थिनाय

## भारतनि बोथोर बिगियान बिफानआ अरुनाचल प्रदेशनि थारवाय रेड एलार्ट फोसावदों



इतानगर, 30 जून: भारत बोथोर बिगियान बिफानआ अरुनाचल प्रदेशनि थाखाय रेड एलार्ट फोसावदों, जेराव दिने 30 जुनआव रइज्योफोरव जोबोद

रोजा अखा हागोननि थाखाय सांग्रांथि होदों। बेनि गेजेरजों, आसाम, मिज'राम त्रिपुरा आरु मणिपुरावबो रोजा अखा हागोनखौ मोन्दाथिदों, जेराव

आइएमडिआ बे रइज्योफोरनि थाखायबो सांग्रांथि होदों, आइएमडिआ बुंदोंदि, सा-सान्जा भारतनि आसाम, मिज'राम, त्रिपुरा आरु मणिपुराव रबिबारआव

रोजानिफ्राय गोबां रोजा अखा हागोननि सन्देह' दड। हिमाचल प्रदेश, उत्तराखण्ड, पान्जाब, हरियाणा, राजस्ताननि माखासे जायगाफोरव, सोनाब बेंगल, गवा आरु महाराष्ट्रनि माखासे जायगाफोरवबो गोबां रोजा अखा हानायनि सन्देह' दड। खोला-सोनाब मौसुमि बोथोर उत्तर प्रदेशनि माखासे जायगाफोरवबो दावखोलांगासिनो दड, जेराव बे ओन्सोलाव गोबां रोजा अखा हादों। आथिखालाव आइएमडिआ सांग्रांथि होदोंदि, हादतनि बांसिन जायगाफोरव गोबां बिदुडव मख'जाथाव सोलायनो हागौ होन्नाबो आसा खालामदों।

## आमेरिकायाव पुलिस बिबानगिरिनि आखायाव 13 बोसोर बैसोनि सासे गथ'नि जिउ ख'हा

निउयर्क, 30 जून: आमेरिकायाव गुलि गावनाय जाथाया थाद'नायनि मुंलायाखै। आथिखालाव आमेरिकानि निउयर्क निफ्राय पुलिस बिबानगिरिनि सासे 13 बोसोर बैसोनि गथ'नि सायाव गुलि गावनाय जाथाय नुजाथिदों। सुलुडाव फोरमायनाय बायदिव्ला पुलिसनिफ्राय रैखा मोन्नो थाखाय गथ'या बिसोरनो मोनसे हेन्डगान बायदि बेसाद दिन्थियो। पुलिसनि बायदिव्ला मेनहट्टननिफ्राय गासै 240 माइल (400 किल'मिटर) जान्थायाव इउटिका पुलिसनि बिबानगिरिया डाकाटिखौ नायबिजिरनाय समाव हरनि 10 रिगायाव सानै लाइमोनफोरखौ होबथायो। 13 बोसोर बैसोनि सानै लाइमोनफोरनि महरा डाकार्टिनि



सन्देह' खालामथावफोरजों गोरोबोमोन। बिसोरनि गेजेराव सासेया लामायाव थाबायगासिनो दडमोन आरु गुबुन सासेया खारो। लाइमोनआ पुलिसनो हेन्डगान दिन्थिदोंमोन। बेनि उनाव पुलिसया बै हेन्डगानखौ नंगुबै साननानै गथ'नि बिखायाव गुलि गावयो। पुलिसफोर बेखौ हेन्डगान सान्दोंमोन। नाथाय उनाव पुलिसा बेखौ नकलीसो

होना मिबथियो। जाथाइनि उनाव गथ'खौ थाबैरो फाहामथाइनि थाखाय ब्यान देहा फाहामसालियाव लाना थाडे, जेराव बियो जिउ गोमायो। सुलुंनि बायदिव्ला गथ'नि आखायाव जाय हाथियार दडमोन, बेयो नंगुबै हाथियारनि फिचारफोरजों गोरोबोमोन। बे जाथायनि गासै भिडिअआव रिक्ट खालामदों। पुलिस बिफानआ बे जाथायखौ नायबिजिरगासिनो दड।

## गाजापट्टीआव इज्राइलनि गाग्लोबनायाव सा 40 फिलिस्ताइनफोरनि जिउ ख'हा

गाजा, 30 जून: गाजापट्टी ओन्सोलाव थानाय 24 घन्टानि गेजेराव इज्राइलनि गाग्लोबनायफोराव खमैब्लाबो सा 40 फिलिस्ताइनफोर थैयो आरु सा 224 गुबुनफोरा जोखोम जायो। गाजायाव सावसियारि बिबानगिरिफोरा फोरमायनाय बायदिव्ला, इज्राइलनि गाग्लोबनायफोराव गासै थैनाय फिलिस्ताइनफोरनि अन्जिमाया आथिखालाव 37,834 जाहैबाय। थानाय 2023 नि अक्टबर दाननिफ्रायनो फिलिस्ताइन-इज्राइल दावहा जागायनायनि उननिफ्राय गासै 86,858 सुबुंफोरा जोखोम



जायो। बिबानगिरिफोरनि बुंनाय बायदिव्ला, इज्राइलनि सान्धिफोर आरु फिलिस्ताइननि हाथियार लाग्रा हान्जाफोरनि गेजेराव दावराव-दावसिनि जाहोनाव रैखा खालामग्रा हान्जाफोरा माखासे जेनाफोरजों मोगा-मोगि जानांदों जर'खायै खोला गाजानि रफाह सहर आरु सान्जा गाजानि शुजायाआव। इज्राइल सान्थियारि बुंथिगिरि अभिचाप इडेया मोनसे प्रेस

बिबुंथियाव इज्राइलनि सान्धिफोर शुजाया ओन्सोलाव थानाय उतखारिफोरनि केम्पफोराव गाग्लोबनायखौ सोलिहोबाय थादों होन्ना बुंदों। बिथाड बुडे, थानाय माखासे घन्टफोरव सान्धिफोर दावराव-दावसियाव माखासेखौ गावथारो आरु इज्राइल सान्धिफोरा ओन्सोलाव थानाय गंसे स्कुलनि लंगोना सिखव मोनसे हाथियारनि डिप मोनो। एडेनि बायदिव्ला

रफाहयाव इज्राइल सान्धिफोरा माखासे उतखारिफोरखौ गावथारदों आरु सुरंग'जों लोगोसे माखासे उतखारिफोरनि गुदि बिथाफोरखौ सिलिखार खालामो। बेनि गेजेरजों फिलिस्ताइन रिजुजिफोरनि थाखाय इउएन रेहय होग्रा एजेन्सिफोरा सशोल मिडिया प्लेटफर्म एक्सआव बुडेदि, रोजा रोजा सुबुंफोर आस्रय, जाग्रा आदार, मुलि आरु गोमो दैन जेनाजों भुगिनांसिनो दड।

## ब्रिटिसनि पिएम ऋषि सुनकआ बिसिजों लोगोसे स्वामिनारायण मन्दिराव सौहैदों

लन्डन, 30 जून: ब्रिटेनआव सरासन्हा बिसायख'थिनि जाहोनाव राजखान्थियारि थासारिया गोखों जादों। भट होग्राफोरखौ बुरखायनो थाखाय दैदेनगिरिफोरा नांथाबगासिनो दड। बेनि गेजेरजों ब्रिटेननि गाहाइ मन्थि ऋषि सुनक आरु बिनि बिसि अक्षता मुर्तिया सरासन्हा बिसायख'थि फोसावर्दिनि जोबथा सप्ताहयाव लन्डननि मुंदांखा बिएपिएस स्वामी नारायण मन्दिराव आर'ज गावबैयो, जायखौ नेसडेन मन्दिर मुडे मिबथिनो मोन्नाय जायो। थानाय साननि बेलासि समाव जेब्ला ब्रिटिश पिएम सुनकआ मन्दिराव सौहैयो अब्ला बिथांखौ



गाजा-गोमजायै बरयनाय जायो आरु बिथाडा पुजारिफोरनि बिथोनाव पुजा खालामो। मन्दिर दावबायनाय समाव गावयारि सिबिथाइफोर आरु फोलेरनि दैदेनगिरिफोरजों लोगोसे सावरयनायनि उनाव क्रिकेट मोजां मोनग्रा सुनकआ गावनि सोमोन्दो लाखिनायखौ भारतनि टि-20 वर्ल्ड कप देहानायजों

लोब्बा लाखिनानै खालामो। बे समाव बिथाडा वर्ल्ड कप देहानायनि हामब्लाइथि बाउयो। बेनि उनाव बिथाडा गावनि धोरमनिफ्राय मोन्नाय शुलुंगानि सोमोन्दै बाश्रा बुडे। बिथाड बुडे, आं भगवद गीता याव दानानै संसदनि सोद्रोमा महरै समावखिरा लानो मोन्नानै गोरगानाय मोनो।

## अन्ध प्रदेशआव थानाय सराका लेबरेटरिज लिमिटेडआव गिखंथाव अर नांदों

अन्ध प्रदेश, 30 जून: श्रिकाकु लम जिल्लानि पायडिभिवारम औहागिक ओन्सोलाव थानाय सराका लेबरेटरिज लिमिटेडआव शनिबारआव अर नांदों। बे जाथायनि जाहोनाव फेक्ट्रिनि साखाथियाव थानाय मावसुमाफोर, लेबारफोर आरु गुबुन सुबुंफोराबो जेनायाव गोग्लैदोंमोन। सुलुंनि बायदिव्ला, रिक्टरआव बेरफुदों, उनाव अर नांदों आरु



गासिबो जायगायाव रोजा उखुन्दैजों आबुं जादों। आथिखालाव, बै जाथायाव जेबो ख'हा जायाखै। मानोना

साफ्रोमबो मावसुमाफोर लान्व ब्रेकनि थाखाय केन्टिनआव थांजोबबायमोन। एचरला एमएले एन इश्वर राव आरु

सानजानि एमएलए गरले किरणकुमार आरु गुबुन सुबुंफोर थि खाबुआव सहैयो आरु जाथायनि सायाव सुलु लायो। कम्पानिनि सामलायगिरिया बुंदोंदि, बियो अर खोमोरनो थाखाय अर हुखुमोरग्रा जोन्थोरफोरखौ बाहायदों। खाथि-खालानि मुलि कम्पानिफोरबो अर हुखुमोरनो थाखाय जोन्थोरफोर हरदों। अर हुखुमोरग्रा बिफानआबो थि खाबुआवनो दंफायोमोन।



## अर्शदीप सिंहआ टी-20 वर्ल्ड कापआव मोनसे रेकर्ड थिसन्नाय गिबि गेलेगिरि जानो हादों

गोदान दिल्ली, 30 जून: भारतीय क्रिकेट हान्जानि टी-20 वर्ल्ड कापनि बिमुं देरहानायाव अर्शदीप सिंहनि बलिं खालामनाया अन्सायगिरिफोरनि गोसोखी देरहानो हादों। बिथाड गावनि बलिंजों बेरेखा हान्जानि बेट्समेनफोरखी फारिये जेनायाव खोख्लैदों। खोला आफ्रिकानि हेँथायै फाइनाल मेचआव बिथाड गोखों बलिंजों बेरेखा हान्जानि रानखी होबथानायाव गोनांथार बिफाव जगायदों। जायनि थाखाय बिथाड भारतीय हान्जानि देरहानायाव सासे हिर' जानो हादों। बलिंनि समाव अर्शदीपआ गावनि 4 अभासआव 20 रान होनानै 2 उडकेट लादों। बे मेचआव बिथाड क्वड्रन्टस दिक्क आरो एडेन मेक्रननि उडकेट लादों। गावनि टी-20 वर्ल्ड काप 2024 नि खेब 8 मेचआव बिथाड 17 उडकेट लादों। बे



उडकेटजों टी-20 वर्ल्ड कापनि खेबसे सिजनआव जुथायै बिथाड बांसिन उडकेट लानाय गेलेगिरि जानो हादों। आफगानिस्ताननि फजल हक फारकीआ बेनि सिगां टी-20 वर्ल्ड कापनि जास्मिनआव 70 उडकेट लादोंमोन। भारतनि जशप्रीट भुमराहआ सोलिफु बोसोरनि जालानाय टी-20 वर्ल्ड कापआव गासै 15 उडकेटजों जुथायै थामथि फारिआव जायगा मोनो। अर्शदीपआ सोलिफु बोसोरनि

वर्ल्ड कापआव गासैबो मेचआव मोजां बलिंजों जशप्रीट बुमराहनि मददआव फैदों। बिथाड भारतीय हान्जानि थाखाय 2022 आव डेब्यु खालामनायनि उनाव फास्ट बलार महरै सायख गिरिफोरनि नोजोरखी गावनि फासै लाखिबाय थारदों। मख'नो गोनांदि, दासिमाव भारतीय हान्जानि थाखाय बिथाड खेब 52 टी-20 इन्टरसेनेल मेचआव 79 उडकेट लानो हाबाय।

## भारतीय आर्सारि हान्जानिफ्राय मेडेलनि मिजिंथि लादों



गोदान दिल्ली, 30 जून: भारतनि आर्सारि हान्जानि वर्ल्ड आर्सारिनि फोसावनाय गोदान रेंकिनि गेजेरजों थानाय सानखालिनो पेरिस अलिम्पिकनि थाखाय क्वालिफाइ जाबाय। भारतनि अन्सायगिरिफोर होवा आरो आइजो हान्जानि अलिम्पिक कटा मोनखानायनि उनाव बिसोरनिफ्राय मेडेलनि मिजिंथि लादों। भारतआ पेरिसआव गासैबो मोन 5 इन्धेन्तआव फारिये होवा आरो आइजोफोरनि हान्जा, सिंगेल आरो मिक्सआव मेडेलनि मिजिंथि लादों। मख'नो गोनांदि, होवाफोरनि केटरिआव रेंकिनि जोहै भारत आरो चीनआ अलिम्पिक कटा मोन्दों। जेराव आइजोफोरनि केटरिआव भारतनि अनगायै इन्धेन्सियानि हान्जायावो कटा आइजिदों। पेरिस अलिम्पिकआव दर 12 हादरनिफ्राय टीम इन्धेन्तआव सेलेन्ज लाखिगोन आरो मिक्स इन्धेन्तआव मोन 5 हान्जाफोर बाहागो लागोन। मख'नो गोनांदि, गिबि खेब भारतआ खेबथाम सिजननि अलिम्पिक क्वालिफायरनिफ्राय जायखारनायनि उनाव भारतजों लोगोसे इन्धेन्सियानि हान्जाया अलिम्पिक कटा आइजिदों। मुंजांखा आर्सारि तरुद्वीप रय आरो दिपिका कुमारनिफ्राय भारतआ हान्जाखी मोजाडै दैदेनगोननि मिजिंथि लादों। जेराव बिसोर सानैआ रेकर्ड ब्रैथि खेब अलिम्पिकआव सेलेन्ज लाखिगोन। भारतीय रैनियानि 40 बोसोरनि तरुद्वीपआ 2004 आव एथेन्स अलिम्पिकआव गिबि खेब हादरनि जानानै बाहागो लादोंमोन। जेराव दिपिकाआ बे खेबआव लान्थियै ब्रैथि खेब अलिम्पिकआव बाहागो लागोन। 2012 आवसो दिपिकाआ लन्डन अलिम्पिक गेम्सआव डेब्यु खालामदोंमोन। बिथांमोननि अनगायै धीरख बम्देभरा, अंकिता भक्त आरो भजन कौरआवो भारतनि जानानै अलिम्पिकआव बाहागो जागोन। बिथांमोननि अनगायै प्रभिन यादवआ टकि अलिम्पिकनि उनाव नैथि खेब पेरिस अलिम्पिकआव बाहागो लागोन।

## इउर' कापआव बिमुं देरहानाया अन्सायगिरिफोरखी सोमोनां होयो

बालिन, 30 जून: इउर' काप 2024 आ थानाय 15 जूननिफ्रायनो जागायबोदों। सिगां समाव बे दुर्नामेन्टखी इउरएफा इउर'पियान फुटबल सेम्पियनसिप आरो इउरएफा इउर'पियान सेम्पियनसिप मुंजोंबो मिथिनाय जायोमोन। 1960 आव खुंजेनजानाय बे दुर्नामेन्टआ खेबफ्रोम बोसोरखैनि उनाव खुंजायोब्लाबो 2020 आव महामारि करनानि थाखाय बे दुर्नामेन्टआ 2020 आवसो खुंजादोंमोन। फिफा वर्ल्ड कापनि उनाव बे दुर्नामेन्टआ मुलुगनाडै मिथिसार जायो। जायखी मिनी वर्ल्ड कापबो बुंनय जायो। 164 बोसोरनि बे जास्मिनारि दुर्नामेन्टआव 2020 आव दर 11 हादरफोर जुथायै बान्जायदोंमोन। बे दुर्नामेन्टनि सोलिफु सिजननि फाइनालआ फेगो 15 जुलाईआव जाहेगोन। खुंजेनजानाय गिबि दुर्नामेन्टनि सिगां जास्मिनआव नायनो थाडोब्ला 1927 आव फ्रान्स फुटबल फेडरेशननि एडमिस्ट्रेटर हेनरि डेलानी मोनसे पेन इउर'पियान फुटबल दुर्नामेन्ट बान्जायनो दाबि दैखांजेन्दोंमोन। बेनि उनाव डेलानीआ इउरएफानि जेनेरेल सेक्रेटारि सायख'जादोंमोन। नाथाय गोलाव 31 बोसोरनि उनावसो बिथांनि दाबिआ 1958 आवसो मोखथानि महर मोनजेन्दोंमोन। जेराव बे

बोसोरार बे दुर्नामेन्टनि ब्लु प्रिन्ट थियारि खालामनाय जादोंमोन। 1960 आव बे दुर्नामेन्टखी इउरपियान नेसन्स काप मुंजों मिथिनाय जायोमोन।



सोलिफु बोसोरनि दुर्नामेन्टआ इउर' कापनि 17 थि सिजन। जेराव बे सिजननि सिगां खेब 16 इउरपियान सेम्पियनसिपआव मोन 10 हान्जाफोर बिमुं देरहाबाय। जायनि फारिआव जार्मानी आरो स्पेनआ बयनिगुडुबो बंसिन मोनथामै बिमुं देरहादों। बेबादि थासारिआव सोलिफु दुर्नामेन्टआवबो अन्सायगिरिफोर बे दरै हादरनिफ्राय मिजिंथि लादोंमोन। मख'नो गोनांदि, स्पेननि लान्थियै खेबनै इउर' काप देरहानाय रेकर्डआ दासिमबो अन्सायगिरिफोरखी गोमो होयो। जायनि फारिआव पुर्तुगालनि स्टार क्रिस्टियान रनाल्डोआ 14 गलजों बांसिन गल सोनाय गेलेगिरि जानानै दड।

## रहित-भिराटजों लोगोसे राहुल द्राबिडनि केरियारआबो थुंगेनानै फैबाय

गोदान दिल्ली, 30 जून: भारतीय हान्जाया टी-20 वर्ल्ड काप 2024 नि बिमुंनि बादायनायाव खोला आफ्रिकाखी 7 रानजों फेजेन्नानै सेम्पियन जाबाय। बे बिमुं देरहानायजों केपेन रहित शर्मा आरो भिराट कहलीआ टी-20 इन्टरसेनेल क्रिकेटनिफ्राय आजिरा लाबाय। भारतआ 17 बोसोरनि उनाव टी-20 वर्ल्ड कापनि टुफी देरहादों। बे वर्ल्ड कापजोंनो भारतीय हान्जानि गाहाइ कच राहुल द्राबिडनि माननाय समाबो थुंगेनानै फैबाय। बिथाड सासे गेलेगिरि महरै भारतीय हान्जानि थाखाय गावनि केरियारआव आइसिसि टुफी देरहानो हायाखैमोन। नाथाय कच महरै बिथाड टुफी देरहानानै गावनि केरियारखी बिदाइ होबाय। द्राबिडआ भारतीय हान्जाजों 2021 आव



कच महरै बाहागो जादोंमोन। बिथांनि कचिंआवनो भारतआ गोबां जाफुंसारनाय मोन्दों। गुबुन मेचफोराव द्राबिडनि नोजोर होनायखी बांद्राय नुनो मोनाखैब्लाबो फाइनाल मेचआव बांसिनै नोजोरथि लाखिनाय नुनो मोन्दों। प्लेयार अफ दा मेच बिमुंखी

फाइनालाव क हलीआ देरहानायनि उनाव बिथाड गोबरै हसिखावनो हमदोंमोन आरो रंजाखांदोंमोन। जेराव बेबादि

रंजाखानाय बुब्लिखी बिथांनि केरियारआव नुनो मोनाखैमोन। भारतीय हान्जानि टुफी देरहानायाव द्राबिडआ बेनि

## जय शाहआ सुर्य कुमार यादबनि जर'खा मेडेल गथायदों

गोदान दिल्ली, 30 जून: भारतीय क्रिकेट हान्जाया टी-20 वर्ल्ड काप 2024 नि फाइनालाव खोला आफ्रिकानि हान्जाखी 7 रानजों फेजेन्नानै बिमुं देरहाबाय। बे मेचआव गिबियै बेटिं खालामनाय भारतनि हान्जाया 176 रान लादोंमोन। जेराव बेनि फिनायाव आफ्रिकानि हान्जाया 169 रानआवनो अलआउट जादों। बे मेचनि जोबथा अभासआव सुर्य कुमार यादबआ खेबसे मोजां केच खालामनो हादों। आधिखालाव बिथांनि बे केच खालामनाय भिडिअ क्लोपआ खीरों बिजोंफोराव गोसारगासिनो दड। जायनि सायाव सुर्य कुमारनि कचआबो बाखायदों। बे मेचनि जोबथा अभासआव आफ्रिकानि हान्जानो देरहानायनि थाखाय 16 राननि गोनांथि जादोंमोन। बे समाव भारतनि जानानै बलिंनि बिबानखी हार्दिक पन्डियाआ सामलायदोंमोन। गिबि बलिडवनो आफ्रिकानि बेट्समेन




डेभिड मिलारआ स्ट्रक गेलेदों। बेबादि थासारिआव गोबाडनो बाउन्डरि लाइनखी बारहैगोननि मिजिंथि लादोंमोन। नाथाय बे बलखी सुर्य कुमार यादबजों बारनायनि सिगांनो केच खालामनानै गोमो होदोंमोन। बे समाव होबथानाय उनाव सुर्य कुमारआ बाउन्डरि लाइननि सिडव हाबफिन्दोंमोन आरो बलखी केच खालामदोंमोन। बे समाव भारतनि थाखाय उडकेट लानांगोआ जर'खामोन। बेबादि थासारिआव सुर्य कुमारनि केचआ भारतनि देरहानायाव जर'खा बिहोमा होदों। बे

केचनि थाखाय बिसिसिआइनि गाहाइ नेहाथारि जय साहाआ सुर्य कुमारनो बेस्ट फिल्डरनि मेडेलखी ड्रेसिं रुमआव फेनानै गथायफैदों। सुर्य कुमारनि कच अशक असवाल करआ खीरोंगिरिनि सोंथिआव भारतीय हान्जानि मोजां फिलिडं खालामनायखी बाखायदों। लोगोसे कचिं सिजननि समाव लान्थियै खेब 25 केच खालामनायनि प्रेक्टिस खालामनायखी फोरमायदों। सुर्य कुमार यादबआ प्रेक्टिस सिजनआव लान्थियै 2 घन्टासिम प्रेक्टिस खालामोमोन।

## लियनेल मेसिआ इन्टार मियामी क्लाबजों गावनि केरियारखी फोजोबनायनि लामायाव

ब्युन्स आयार, 30 जून:

मुलुगनि मुंदांका फुटबलारफोरनि गेजेराव सासे लियनेल मेसिआ गावनि केरियारखी इन्टार मियामी क्लाबआव थानानै गावनि केरियारखी फोजोबसिगोन। गावनो फोरमायना लानाय बादिब्ला, मेसिआ गावनि केरियारखी लानानै मोनसे गिखांनय दड। थामहिन्बा फुटबलआव गावनि केरियार फोजोबनायनि उनाव गावनि हाबा मावलांनयखी लानानै गिखांनय मोनो। मेसिआ मियामीजों 2025 सिमनि थाखायल' रदाइ खादों। बिथाड बे रदाइ जोबनायनि उनावनो गावनि केरियारखी फोजोबनो हासिगो। इन्टार मियामी क्लाबआ मेजर लीक चक्कारआव बाहागो जानानै दड। अब्लाबो मेसिआ गावनि कन्ट्रकखी मियामी क्लाबजों फोलावगोन एबा केरियारखी फोजोबथारसिगोननि सायाव रोखा फोरमायाखैब्लाबो गोबाडनो बे रदाइ जोबनायनि उनावनो मेसिखी आजिरा लासिगोननि मिजिंथि लादों। 2022 आव आर्जेन्टिनाखी फिफा वर्ल्ड कापनि बिमुं देरहाहोनाय मेसिआ गावनि केरियारआ जोबनानै फैसिगोनखी गनायना लाबाय। बासिलना आरो पिएसजि क्लाबआव गेलेखानाय मेसिआ 37 बोसोर आबुं जासिगोन। बेनि थाखाय बिथाड गावनि केरियारनि सायाव गोदान सान्दांथि लाबोनांबाय। खीरोंगिरिनि सोंथियाव बिथाड फुटबलखी नागरनो थियारि



गैयैखी फोरमायनानै सम आरो बुब्लिनि नारसिनायाव गावनि थांखि लालांगोनखी फोरमायो। लोगोसे समजों लोगोसे गावनि केरियार फोजोबनासिगोनखी लानानै गिखांनय मोन्यायखी फोरमायो। मेसिनि केरियारआ गुबुन गेलेगिरिफोरनि रुजुनायाव जर'खा बुंजायो। बिथाड गोबां खेब सेम्पियन्स लीग देरहानायजों लोगोसे स्पेन आरो फ्रान्सआव

लीग बिमुं देरहाखांबाय। मख'नो गोनांदि, बिथाड आर्जेन्टिनाखी कपा आमेरिका आरो वर्ल्ड काप देरहानायाव गोनांथिथार बिफाव लादोंमोन। सिगां फासै बिथाड खीरोंगिरिनि सोंथियाव सासे मुंदांका गेलेगिरिआबो समजों लोगोसे गावनि केरियार फोजोबनांगोनखी फोरमायनानै गावनि केरियारआबो बे समआनो फेगासिनो दडहोनानै फोरमायदों।

## आर्जेन्टिनानि फुटबल हान्जाया कपा आमेरिकायाव पेरुखी फेजेन्दों

ब्युन्स आयार, 30 जून: आर्जेन्टिनानि फुटबल हान्जाया कपा आमेरिकायाव पेरुखी 2-0 गलआव फेजेन्नानै गावसोरनि मोजां फर्मखी फोरमानआव लाबोदों। मियामीआव गेलेनाय बे मेचआव आर्जेन्टिनानि हान्जाया लियनेल मेसिनि बाहागो गैयैआव देरहानो हादों। लाउतार' मार्टिनेसआ हार्डरक स्टेडियमआव गरै गल सोनानै आर्जेन्टिनानि देरहानायखी मेच जोबनायनि सिगांनो रोखा खालामदोंमोन। लोगोसे बिथांनि गलजोंनो आर्जेन्टिनानि हान्जाया गुप-एआव देरहागिरि महरै क्वार्टर फाइनालाव सौहैनो हादों। मेसिआ आग्दा आधिडव जोखोमनि जाउनाव साखांनयनि अजद होनायनि उनाव बे मेचनिफ्राय जानगायव लाखिजादों। आर्जेन्टिनानि हान्जाया जालानाय बे मेचआव गावसोरनि जागायजेन्नाय प्लेइ 11 आव मोन 9 सोलायनाय



लाबोदों। मेसिनि बाहागो जायैआव आर्जेन्टिनाआ पेरुनि हेँथायै मिजिंथि बादि दिन्थिफुनो हायाखैब्लाबो गावसोरनि सामलायनाय आदोबजों देरहादों। जेराव मोनसे समाव जावले-जावले खाबु मोनसेयावबो हान्जाया खनसेल' शट जोनो मोन्दोंमोन। मार्टिनेसनि गिबि गलआ हाफ

समनि एसे उनाव फैदों। एल्लेज डि मारियानि मोनसे साबसिन थ्र बलआ इन्टार मिलननि फरवार्डनिसिम फैदोंमोन। बेखी मार्टिनेसआ पेरुनि गल किरार पेडु गेलेसनि सायाव थगायनानै सोनो हादोंमोन। जिसास क्रास्टिल'आ पेनाल्टि मोन्यायनि खाबुजों सामलायनाय समाव 72 थि मिनिटआव आर्जेन्टिनानि

गावसोरनि आवगायनायखी 2 फान खालामनो खाबु मोन्दोंमोन। मेचनि उनाव मार्टिनेसआ गिबि हाफ समाव गावसोरनि गोब्राब सेलेन्ज मोन्यायखी फोरमायनानै गावसोरनि आदोबजों जाफुंसारनो हानायखी फोरमायो। मार्टिनेसआ आर्जेन्टिनानि थाखाय फारिये

खेबब्रे गेलेनायाव गल सोबोबाय आरो बे गलजों अन्सायगिरिफोरनि गोसोखी देरहागसिनो दड। आर्जेन्टिनानि हान्जाया फे गौ बृहस्पतिवारखालि ह्युस्टनआव क्वार्टर फाइनालाव गुप-बिनिफ्राय रानासंआप जानाय हान्जाजों मोगा-मोगि जागोन। जायनि फारिआव इकुवाडर एबा मेक्सक'नि हान्जाया सफेनो हागो। बे सानखालि गुप-एनि बादायनायाव कानाडाआ 2015 आरो 2016 नि कपा आमेरिका सेम्पियन सिलीखी हरलेन्डआव 0-0 गलआव इआव होबथादों। जेराव बे गेलेनायनो कानाडानि थाखाय जोबथा 8 आव थोजासेमोन। बे समाव सिलीनो नकआउटआव सौहैनो थाखाय खेबसे देरहानांगोनि गोनांथि जादोंमोन। नाथाय कानाडानि हान्जाया बिसोरनि सिमाडाव दै लुना होनो हादोंमोन।

## जार्मननि हान्जाया डेनमार्कखी फेजेन्नानै इउर' कापनि क्वार्टर फाइनालाव

बालिन, 30 जून: दुर्नामेन्टखी बान्जायग्रा जार्मानीनि हान्जाया डर्टमुननि सिग्नेल एडुना पार्कआव गेलेनाय राउन्ड अफ 16 नि मोगा-मोगिआव डेनमार्कखी 2-0 गलआव फेजेन्नानै इउर' काप 2024 नि क्वार्टर फाइनालाव सौहैबाय। जार्मननि जामान मुशियालाआ गावनिफ्राय नैथि गल सोनो हानायनि उनाव रंजादों। जेराव बिथाड बे गलखी राउन्ड 16 नि मेचआव जार्मानी आरो डेनमार्कनि गेजेराव थानाय सानखालि डर्टमुनआव गेलेनाय



मेचआव सोनो हादोंमोन। बे मेचनि 25 थि मिनिटआव बादायलायनाय मेचखी देरे सम दोन्थ'नादोंमोन। मानोना बे समाव सारअन्थाय आरो गोब्राब

बारनि जाउनाव बादायारिफोरा फोथाराव ओंखारनो हाया जादोंमोन। गुबुन मोनसे सिगांनि मेचआव नागेल्लसमेनआ जार्मननि जानानै खेबथाम खाबु मोन्यायनि

गेजेराव खेबसे गल सोनानै गुबुन मोनसे मेचआव सुइजारलेन्डजों 1-1 गलआव इ गेलेंमोन। बे समाव निक लतारबेकखी मिरु डिफेन्सआव जनाथन ताहेनि जायगायाव सोसन्नाय जादों। जायनि जाउनाव डेभिड राउमआ बिथांनि हान्जायाव हाबनायनि उनाव आगिस डिफेन्सआव फावसायनानै फैदोंमोन आरो लिरिड सानेआ आन्दा फासै डिफेन्सआव ओंखारदोंमोन। मेचनि मोनसे समाव रंजाय लादोंब्लाबो जशुवा किम्मिसनि

पाउलनि जाउनाव सिरियै थाफिन्नादों। गात्रि बोथोरनि थासारियाव खुं जानाय बे मेचआव अन्सायगिरिफोरा जार्मननि जानानै बांसिनै स्टेडियमनि फास्फोमबो रंजानो हमदोंमोन। बे खेबआव जार्मनआ स्पेन एबा जर्जियानि हेँथायै बादायगोन आरो राउन्ड 16 निफ्राय आवगायनो हागोन। जेराव बेनि सिगां सुइजारलेन्डआ डिपेन्डिं सेम्पियन इटालीखी 2-0 गलआव फेजेन्नानै राउन्ड अफ 16 नि बेन्दोंखी बारनो हायो।